

摘藻堂四庫全書薈要

經部

欽定四庫全書薈要

經部
論語通證卷上

詳校官主事銜臣徐以坤



欽定四庫全書薈要卷三千一百十五

經部

論語集註通證卷上

元 張存中 撰

序說


周禮牛人讀為犧義與牝同

犧音特又餘式之
式二反牝餘式反

地官司徒上牛人掌養國之公牛以待國之政令凡

祭祀共其享牛求牛以授職人而芻之

享牛前祭一
日之牛也求

牛禱於鬼神祈求福之牛也職讀為犧犧謂之牝可
以繫牛犧人者謂牧人充人與芻牲之芻牛人擇於

公牛之中而
以授養之

魯世家以此以上皆為十二年事

史記十二年使仲由毀三桓城收其甲兵孟氏不肯

墮城

墮毀也
墮同

伐之不克而止季桓子受齊女樂孔子

去

史記以論語歸與之歎為在此時

孔子世家季康子於是使使召冉求冉求將行孔子
曰魯人召求非小用之將大用之也是日孔子曰歸

乎歸乎吾黨之小子狂簡斐然成章吾不知所以裁之

史記云書社地七百里

孔子世家孔子使子貢至楚楚昭王興師迎孔子然

後得免昭王將以書社地七百里封孔子

索隱曰古者二十五

家為里里則各立社則書社者書其社之人名于籍蓋以七百里書社之人封孔子也故冉求云雖累千社而夫子不利是也饒氏曰書社猶今人所謂書會也蓋卿大夫所當得底地謂之采地如這箇却是君之所特與故謂之書社地言以此養其徒也便如齊王欲中國授孟子室養弟子以萬鍾相似

弟子顏回最賢蚤死後唯魯參得傳孔子之道

史記仲尼弟子列傳顏回者魯人也字子淵少孔子

三十歲年二十九髮盡白蚤死

按家語亦云年二十九而髮白三十二早

死孔子曰自吾有回門人日益以德行著名孔子稱其仁焉

孔子哭之慟曰自吾

有回門人益親

家語弟子解魯參南武城人字子與

史記字子與

少孔子

四十六歲志存孝道故孔子因之以作孝經

史記云孔子以

為能通孝道故授之業作孝經

韓文原道惟孟軻師子思子思之學出於曾子自孔

子沒獨孟軻氏之傳得其宗

詳見孟子序說

○學而篇

學而時習章

坐如尸立如齊

側皆反

曲禮上坐如尸

視貌正

立如齊

磬且聽

不見是而無悶

乾卦文言

道千乘之國章

節以制度不傷財不害民

節卦彖辭

禮之用章

禮勝則離樂勝則流

禮樂記樂勝則流禮勝則離合情飾貌者禮樂之事也

富而好禮章

安處善樂循理

董仲舒策孔子曰天地之性人為貴明於天性知自

貴於物知自貴於物然後知仁義知仁義然後重禮
節重禮節然後安處善安處善然後樂循理樂循理
然後謂君子

子貢貨殖

家語子貢家富累千金好販與時轉貨

買賤賣貴
以殖其貨

○爲政篇

爲政以德章

北極天之樞也

晉天文志天體如鳥卵天包地外地居其中猶卵之
裏黃天半覆地上半在地下見隱各一百八十二度
強北極出地上三十六度南極入地下亦三十六度
嵩高正當天之中極南五十五度當嵩高之上南北
極持其兩端天與日月星辰皆斜而回轉熊氏曰北極當地上
常見不隱經星隨天左旋日月五緯右轉更迭隱見皆若環繞而歸向之也

詩三百章

魯頌駉篇之辭

卒章駟駟壯馬在垌之野薄言駟者有駟音有駟音有駟音

有驪音有魚以車祛祛起居反思無邪思馬斯徂

經禮三百曲禮三千亦可以一言蔽之曰毋不敬

禮器禮有大有小有顯有微大者不可損小者不可

益顯者不可揜微者不可大也故經禮三百曲禮三

千其致一也經禮儀禮也如士諸侯冠禮之類此是大節有三百條曲禮禮記也如冠禮始

加再加三加坐如尸之類此是小目有三十餘條

曲禮上毋不敬母者禁止之辭敬者主一無適之謂言母得不敬也此一句乃禮書綱領也

吾十有五章

聲為律身為度

史記夏紀禹為人敏給克勤其德不違其仁可親其
言可信聲為律身為度

色難章

孝子之有深愛者

云云

禮祭義

子奚不為政章

孔子不仕故或人疑其不為政也

史記孔子世家定公立五年魯自大夫以下皆僭離
於正道故孔子不仕退而修詩書禮樂弟子彌衆至
自遠方莫不受業焉

子張問十世章

三統謂夏正建寅為人統商正建丑為地統周正建子
為天統

前漢律厯志天統之正始於子半日萌色赤地統受

之於丑初日肇化而黃至丑半日芽化而白人統受之於寅初日孽成而黑至寅半日生成而青

禮檀弓夏后氏尚黑殷人尚白周人尚赤

疏曰夏正物之始生

其色尚黑以寅為朔殷正物之芽其色尚白以雞鳴為朔周正其色尚赤以夜半為朔鄭康成以為自古皆改正朔孔安國曰湯承堯舜禪代之後革命朔制是湯始改朔

○八佾篇

季氏八佾舞於庭章

天子八諸侯六大夫四士二

左傳隱公五年九月考仲子之宮將萬焉公問羽數

於衆終音仲對曰天子用八諸侯用六大夫用四士二

夫平聲舞所以節八音而行八風故自八以下公從之

杜預曰人如侑穀
服虔曰每侑八人

林放問禮之本章

禮始諸飲食故汙尊而抔飲

禮運夫禮之初始諸飲食其燔黍捭音豚汙音尊而

抔步侯反飲苦怪反蕢音而土鼓猶若可以致其敬於鬼

神

古未有釜甑釋米捭肉加於燒石之上而食之耳
汙尊鑿地為尊也抔飲手掬之也賁讀為缶埴也

謂捭土為桴也土

鼓築土為鼓也

徑情而直行

禮檀弓下子游曰禮有微情者

節哭

有以故興物者

衰經之制

有直情而徑行者戎狄之道也

哭踊無節
衣服無制

季氏旅於泰山章

禮諸侯祭封內山川

王制天子祭天地諸侯祭社稷大夫祭五祀天子祭

天下名山大川五嶽視三公四瀆視諸侯

視者視其牲器之數

諸侯祭名山大川之在其地者

魯人祭泰山晉人祭河是也

巧笑倩兮章

考工記曰繪畫之事後素功

周禮冬官考工記上畫績之事青與赤謂之文赤與白謂之章白與黑謂之黼黑與青謂之黻五采備謂之繡凡畫績之事後素功

甘受和白受采忠信之人可以學禮

禮禮器君子曰甘受和白受采忠信之人可以學禮

苟無忠信之人則禮不虛道

道猶行也

禘自既灌而往者章

禘王者之大祭也

禮喪服小記王者禘其祖之所自出以其祖配之

大禘

祭也始祖感天神靈而

生祭天則以祖配之

大傳禮不王不禘王者禘其祖之所自出以其祖配

之

成王以周公有大勲勞賜魯重祭

禮明堂位昔殷紂亂天下脯鬼侯以饗諸侯

以人肉為薦羞

惡之甚也

是以周公相武王以伐紂武王崩成王幼弱周

公踐天子之位以治天下六年朝諸侯於明堂制禮

作樂頒度量而天下大服

度謂丈尺量謂豆區斗斛筥筥

七年致政

於成王成王以周公為有勲勞於天下是以封周公

於曲阜地方七百里草車千乘

曲阜魯地草車兵車也

命魯公

世世祀周公以天子之禮樂

祭統昔者周公旦有勲勞於天下周公既沒成王康
王追念周公之所以勲勞者而欲尊魯故賜之以重
祭外祭則郊社是也內祭則大嘗禘是也夫大嘗禘
升歌清廟下而管象朱干玉戚以舞大武八佾以舞
大夏此天子之樂也康周公故以賜魯也

夫子嘗曰我欲觀夏道又曰我欲觀周道

禮禮運孔子曰我欲觀夏道是故之杞而不足徵也

吾得夏時焉

得夏四時之書也其書存者有夏小正

我欲觀殷道是

故之宋而不足徵也吾得坤乾焉

得殷陰陽之書也其書存者有歸藏

坤乾之義夏時之等吾以是觀之○孔子曰嗚呼哀哉我觀周道憂厲傷之吾舍魯何適矣魯之郊禘非禮也周公其哀矣

祭如在章

七日戒三日齋必見所祭者

禮坊記子云七日戒三日齋

側皆反

承一人焉

戒謂散齋也象

猶事也

祭義致齊於內散齊於外齊之日思其居處思其笑
語思其志意思其所樂思其所嗜齊三日乃見其所
為齊者致齊思此五者也散齊七日不御不樂不弔其見所為齊者思之熟也所嗜素所欲飲食也春秋傳曰祭之日僣音愛然必有見乎其位周還音旋出
屈到者芟音到戶肅然必有聞乎其容聲出戶而聽愾音慨然必有聞
乎其歎息之聲

寧媚於竈章

竈五祀之一

禮月令孟春之月其祀戶祭先脾孟夏之月其祀竈
祭先肺中央土其祀中雷祭先心孟秋之月其祀門
祭先肝孟冬之月其祀行祭先腎

子入太廟章

魯周公廟

公羊傳文公十三年周公稱太廟魯公稱世室羣公
稱宮周公何以稱太廟于魯封魯以為周公也周公
拜乎前魯公拜乎後

始受封時拜于文王廟也

曰生以養周公死

以為周公主

射不主皮章

記曰武王克商

樂記武王克殷反商濟河而西散軍而郊射

散軍則不廢農

事郊射則不忘武備

射宮在郊故曰郊射

左射狸首右射騶虞而貫草之

射息也

貫草者射穿甲草所以主皮也以樂為節則無事乎貫草矣

子貢欲去告朔之餼羊章

季冬頒來歲十二月之朔

周禮春官大史正歲年以序事頒之于官府及都鄙

頒告朔于邦國

天子頒朔于諸侯諸侯藏之祖廟至朔朝于廟告而受行之鄭司農云頒

讀為班班布也以十二

月朔布告天下諸侯

特羊告廟

禮玉藻天子玄端而朝日於東門之外聽朔於南門

之外閏月則闔門左扉立於其中

端當為寃字之誤也凡聽朔必以特

牲告其帝及神配以文王武王疏曰天子告朔以特牛諸侯告朔以羊其朝享各依四時常禮故用太牢

魯自文公始不視朔

春秋文公六年閏月不告月猶朝於廟左傳閏月不告朔非禮也閏以正時時以作事事以厚生生民之道於是乎在矣不告閏朔棄時政也何以為民

公羊文公十六年夏五月公四不視朔公曷為四不視朔公有疾也何言乎公有疾不視朔自是公無疾不視朔然則曷為不言公有疾不視朔有疾猶可言也無疾不可言也

管仲之器小哉章

三歸臺名事見說苑

劉向說苑善說篇齊桓公立仲父致大夫曰善吾者
入門而右不善吾者入門而左有中門而立者桓公
問焉對曰管子之知可與謀天下其強可與取天下
君恃其信乎內政安焉外事斷焉民而歸之是亦可
奪也桓公曰善乃謂管仲政則卒歸於子矣政之所
不及唯子是匡管仲故築三歸之臺以自傷於民
仲

一娶三姓而備九女故築三歸之
臺觀以處之是自傷於民力也

揚雄所謂大器

揚子先知篇或曰齊得夷吾而霸仲尼曰小器請問
大器大器其猶規矩準繩乎先自治而後治人之謂
大器規矩先自方圓然後能使物方圓準繩先自平
直然後能使物平直此之謂大器管子不知禮
豈足以為
大器哉

桓公內嬖六人

左傳僖公十七年齊侯之夫人三王姬徐嬴蔡姬皆
無子齊侯好內內女
色也多內寵內嬖如夫人者六人長

衛姬生武孟

有衛姬二故長少別之武孟即公子無虧

少衛姬生惠公

惠公

即公子元

鄭姬生孝公

孝公即公子昭

葛嬴生昭公

昭公即公子潘

密姬

生懿公

懿公即公子商

宋華子生公子雍

宋華氏子姓之女生公子雍

何患於喪乎章

喪欲速貧

見滕文公上

○里仁篇

觀過斯知仁矣章

後漢吳祐謂掾以親故受汙辱之名

吳祐傳

祐字季英陳留長垣人

順帝時以光祿四行遷膠東侯

相

四行謂敦厚質樸遜讓節儉也

祐政唯仁簡以身率物吏人懷而

不欺嗇夫孫性私賦民錢市衣以進其父

嗇夫小吏也執役之

賤職者姓孫名性為嗇夫私斂民錢五百市買單衣以進其父

父得而怒曰有君如

是何忍欺促歸伏罪

促迫性令往祐所出受私賦之罪

性慙懼詣閣

持衣自首

性慙惡恐懼遵父命持單衣詣祐閣下伏罪自首

祐屏

音丙

左右問

其故性具談父言祐曰掾以親故受汙辱之名所謂

觀過斯知仁矣使歸謝父還以衣遺

去聲

之使性歸家謝父教命

仍以所市衣遺其父憐其孝也

無適也章

春秋傳曰吾誰適從

左傳僖公五年晉侯使士為

音為去聲

二公子築蒲與

屈士為退而賦曰狐裘

音茸

音戎以狐腋為裘貴者之裘也

言貴者之多

一國三公

蒲屈大都耦國故獻公與二公子鼎立為三公

吾誰適從

言城不堅則為公子所訴堅之則為國仇不忠無以事君故不知所適從

事父母幾諫章

與內則之言相表裏

禮內則父母有過下氣怡色柔聲以諫諫若不入起

敬起孝說

悅音

則復諫不說與其得罪於鄉黨州閭寧

孰諫父母怒不說而撻之流血不敢疾怨起敬起孝

○公冶篇

孟武伯問子路仁乎章

謂悉索

音

敝賦是也

左傳襄公八年鄭乃及楚平使王子伯駢告于晉曰

君命敕邑修而車賦

修治而汝賦兵也

倣而師徒

倣戒師旅徒衆也

以討亂略蔡人不從敕邑之人不敢寧處悉索敕賦

索盡也悉盡

敕邑之兵賦

以討于蔡獲司馬變獻于邢立

襄公三十一年十月子產相鄭子產使盡壞其館之

垣而納車馬焉士文伯讓之對曰以敕邑褊

必淺反小

介於大國

介間也

誅求無時

誅責也

是以不敢寧居悉索

敕賦以來會時事

孔文子何以謂之文也章

孔文子使太叔疾出其妻而妻之

左傳哀公十一年冬衛太叔疾出奔宗

太叔疾即太叔齊

初

疾娶于宗子朝

子朝宗人衛大夫

其娣嬖子朝出孔文子使

疾出其妻

出宗朝之女

而妻之疾使侍人誘其初妻之娣

寘於犂

犂衛邑

而為之一宮如二妻文子怒欲攻之仲

尼止之遂奪其妻

孔文子遂奪其女不嫁太叔疾

或淫於外州外州

人奪之軒以獻

外州人奪太叔疾之軒車以獻於君

恥是二者

太叔疾以奪妻

奪軒二事為恥

故出衛人立遺

遺疾之弟

使室孔姑

其一反孔姑即孔文子之

女疾之妻也使太叔遺室之

孔文子之將攻太叔也訪於仲尼仲

尼曰胡簋之事

胡簋禮器名頁曰胡周曰簋

則嘗學之矣甲兵之

事未之聞也退命駕而行

謚法有以勸學好問為文非經天緯地之文

史記謚法解惟周公旦太公望嗣王業建功于牧野終將葬乃制謚遂敘謚法謚者行之迹號者功之表

古者有大功則賜之善號以為稱也

車服者位之章也是以大行受大

名細行受細名行出於己名生於人

名謂號謚

經緯天地

文

經緯天地相錯而成如織之成文也

道德博聞文勤學好問文慈惠

愛民文愍民惠禮文賜民爵位文

公叔文子之文錫民爵位之文順理

而成章

之謂

子產有君子之道四焉章

如都鄙有章上下有服

左傳襄公三十年鄭子皮授子產政子產使都鄙有章上下有服田有封洫廬井有伍大人之忠儉者從而與之泰侈者因而斃之從政一年輿人誦之曰取

我衣冠而褚之

褚畜也奢侈者畏法故畜藏

取我田疇而伍之孰殺

子產吾其與之及三年又誦之曰我有子弟子產誨之

我有田疇子產殖之

殖生也

子產而死誰其嗣之

嗣續也

臧文仲章

不仁者三不知者三是也

左傳文公三年秋八月丁卯大事于大廟躋僖公逆

祀也

僖是閔兄不得為父子嘗為臣位應在下令居閔上故曰逆祀

仲尼曰臧文仲

其不仁者三不知者三下展禽

展禽柳下惠也文仲知柳下惠之賢而使

在下位不與立於朝也

廢六關

塞關陽關之屬凡六關所以禁絕來遊而

非已欲立而立人之道

廢之

妄織蒲

以蒲為席是與民爭利也

三不仁也

作虛器

藻稅也有其器

無其位故曰虛

縱逆祀

聽夏父弗忌躋僖公

祀爰居三不知也

按家語顏回篇曰置六關王肅云六關關名魯本無此關文仲置之以稅行客故為不仁傳曰廢六關未

知孰是姑

并錄之

臧文仲居蔡章

祀爰居之義

國語魯語海鳥曰爰居

海鳥似鳳大如馬駒一名雜

縣海有大風冬煖之災來辟

之止於魯東門之外三日

魯國東門外
柩止凡三日臧文仲使國

人祭之

文仲以為神命人祭之非
國典也難以為仁且智

令尹子文三仕為令尹章

子文姓鬬名穀於菟

左傳宣公四年秋七月戊戌楚子與若敖氏戰于臯

澣

音虎臯
澣楚地

遂滅若敖氏

趙椒戰敗而死
莊王遂滅其族

初若敖娶於

邲

音云又作鄭若敖楚之
八世祖娶邲國之女

生鬬伯比若敖卒從其母

畜於邲淫於邲子之女

伯比私淫於
邲子之女

生子文焉邲

夫人使棄諸夢

音蒙又如字

中

邾女之母夫人知之使棄所生之子於蕩澤之中

虎乳之邾子田見之懼而歸夫人以告

言其女私通伯比所生

遂使收之楚人謂乳穀

反奴口

謂虎於菟

音烏徒

故命之

曰鬬穀於菟以其女妻

去聲

伯比實為令尹子文

鬬氏始自

子文為

令尹

崔子弑齊君

春秋襄公二十五年夏五月乙亥齊崔杼弑其君光

左傳齊棠公之妻東郭偃之姊也

棠公齊棠邑大夫

東郭偃

臣崔武子棠公死偃御武子以弔焉見棠姜而美之

遂取之莊公通焉驟如崔氏以崔子之冠賜人侍者

曰不可公曰不為崔子其無冠乎

言雖不為崔子猶自應有冠

崔

子因是又以其間

去聲

伐晉也

間晉之難而伐之

曰晉必將報

欲弑公以說於晉而不獲間公鞭侍人賈舉而又近

之乃為崔子間公

同公間隙

五月莒子朝於齊甲戌饗諸

北郭崔子稱疾不視事

欲使公來

乙亥公問崔子

問疾

遂從

姜氏姜入於室與崔子自側戶出公拊楹而歌

歌以命姜

侍人賈舉止衆從者而入閉門甲與公登臺而請弗

許請盟弗許請自刃於廟弗許皆曰君之臣杼疾病

不能聽命近於公宮

謂崔子宮近公宮或淫者詐稱公

陪臣干

胡旦反

擻

將侯反

有淫者不知二命

干擻行夜言行夜得淫人受崔子命討之不知他命

夜戒有所擊也

公踰牆又射之中股反隊

與墜同

遂弑之

子文之相楚所謀者無非僭王猾夏之事

左傳莊公三十年楚殺令尹子元以鬪穀於菟為令

尹僖公二十三年楚成得臣伐陳取焦夷子文以為

功使子玉為令尹

子文為令尹凡二十八年。杜氏曰：按莊公三十年楚成王立九年矣。

僖公二十三年即成王之三十六年也。楚自武王三十七年僭稱王。魯桓公之八年也。武王五十一年卒。子文王立。文王十三年卒。子堵敖立。堵敖五年卒。弟成王立。僖公元年楚成王之十四年也。楚伐鄭。鄭即齊故也。五年楚闕穀於菟。滅弦。六年楚子圍許。許男面縛銜璧乃釋之。十二年楚人滅黃。十五年楚人伐隨。二十年隨以漢東諸侯叛楚。楚闕穀於菟。帥師伐隨。取成而還。二十一年宋人為廬上之盟。以求諸侯於楚。楚人許之。諸侯會宋公于孟。楚執宋公以伐宋。已而釋之。二十二年楚人伐宋。宋公及楚人戰于泓。宋師敗績。公傷股。明年宋襄公死。二十三年楚師伐陳。討其貳于宋也。此僭王猶夏之事也。

又不數歲而復反於齊焉

左傳襄公二十七年宗內成欲弭諸侯之兵以為名

欲獲息民之名如晉告趙孟晉人許之如楚楚亦許之如齊

齊人難之陳文子曰晉楚許之我焉得已且人曰弭

兵而我弗許則固攜吾民矣將焉用之齊人許之

杜氏

曰按襄公二十五年崔杼弑齊君是時陳文子出奔二十六年不經見至二十七年文子有弭兵之說則

文子自出奔復

反於齊凡二年

三思而後行章

使晉而求遭喪之禮以行

左傳文公六年秋季文子將聘於晉使求遭喪之禮

以行其人曰將焉

音煙

用之文子曰備豫不虞古之善

教也求而無之實難過求何害

過求不用何害於事此所謂季文子三思

而後行也

宣公篡立文子不能討反為使齊而納賂焉

左傳文公十八年二月公薨文公二妃敬嬴生宣公

敬嬴嬖而私事襄仲宣公長而屬諸襄仲襄仲欲立

之叔仲不可

叔仲伯惠

仲見於齊侯而請之齊侯新立而

欲親魯許之冬十月仲殺惡及視而立宣公

惡太子視其母

弟殺視不書賤之也

宣公元年夏季文子如齊納賂以請會

宣公

篡立未列於會

會于平州

平州齊地在太山牟縣西

以定公位

篡立

者諸侯既與之會則不得討臣子殺之與弑君同故公與齊會而位定

甯武子其知可及也其愚不可及也章

成公無道至於失國而武子周旋其間盡心竭力不避艱險

左傳僖公二十八年衛侯聞楚師敗

楚成王與晉文公戰于城濮衛

地也楚師敗績
衛成公聞之

懼出奔楚

初晉侯將伐曹假道于衛衛弗許晉伐衛衛侯請盟

晉人弗許衛侯欲與楚國人不欲故出其君以說于晉衛侯聞楚敗出居襄牛之地以避晉而遂奔楚

遂適陳使元咺奉叔武以受盟

元咺衛大夫叔武衛侯弟奉叔武使攝君

事以受盟于踐土

癸亥王子虎盟諸侯於王庭或訴元咺於

衛侯曰立叔武矣其子角從公公使殺之咺不廢命

奉夷叔以入守

音狩夷叔即武叔

六月晉人復衛侯甯武子

與衛人盟於宛濮

甯武子甯俞也時從衛侯在外故與衛人盟于宛濮之地曰載書

日天禍衛國君臣不協以及此憂也今天誘其衷使

皆降心以相從也不有居者誰守社稷不有行者誰
捍牧圉不協之故用昭乞盟於爾大神以誘天衷自
今日以往既盟之後行者無保其力居者無懼其罪
有渝此盟以相及也明神先君是糾是殛國人聞此
盟也而後不貳衛侯先期入甯子先

甯武子患公之欲速故先入欲

安喻國人

長牂

音駐

守門以為使

去聲

也與之乘

去聲

而入

長牂與甯

子共載而入國

公子歆

市專反

犬華

去聲

仲前驅

衛侯遂驅掩甯

子未備二子並

衛大夫

叔武將沐聞君至喜捉髮走出前驅射而殺之

公知其無罪也枕

去聲

之股而哭之歔犬走出公使殺

之元咺出奔晉冬會于溫討不服也衛侯與元咺訟

甯武子為輔鉞

音鉞

莊子為坐

坐獄為主

士榮為大士

大士治獄

官也周禮命夫命婦不躬坐獄訟元咺又不宜與君對坐故使鉞莊子為坐又使衛之忠臣及其獄官質

正元咺傳曰王叔之宰與伯與之大夫坐獄於王庭各不身親蓋今勘吏有罪先驗吏卒之義衛侯

不勝

三子辭屈故不勝

殺士榮刖

音刖

鉞莊子謂甯俞忠而免

之執衛侯歸之于京師寘諸深室甯子職納索

音託 餽

音

馬 甯俞以君在幽隘故親以衣食為已職

元咺歸

于衛

衛侯既執故元咺得歸于衛

立公子瑕

瑕衛公子適也元咺立之以為君

僖

公三十年夏晉侯使醫衍酖

音鴆衛侯

衍醫名晉文實怨衛侯欲殺之

而罪不及死故使醫因治疾而加酖毒

甯俞貨醫

甯武子視衛侯衣食得知其謀乃以貨賄

納賂于醫

使薄其酖不死公為之請

魯僖公與衛同好故為之請

納玉

於王與晉侯皆十穀

與珪同二玉相合曰穀襄王與晉侯皆玉十珪

王許之

襄王許之秋乃釋衛侯

論語記甯武子此其愚不可及也杜氏曰按左氏僖公二十五年

衛文公卒子成公立僖二十六年即衛成公元年也經稱公會衛甯速盟于向速甯莊子則莊子速事成公矣至僖公二十八年傳稱甯武子與衛人盟于宛濮名俞速子即成公即位之三年也以此考之甯莊

子當死于成公二年左右而子俞為大夫則武子未嘗事文公而集注謂武子仕衛當文公成公之時與此少異

盍各言爾志章

易曰勞而不伐是也

繫辭上子曰勞而不伐有功而不德厚之至也

伯夷叔齊孤竹君之二子

見下泰伯篇

○雍也篇

雍也可使南面章

莊周所稱子桑戶者

莊子大宗師篇子桑戶孟子反子琴張三人相與友
伯子不衣冠而處夫子譏其欲同人道於牛馬

劉向說苑修文篇孔子見子桑伯子

伯子魯人子桑戶也

子桑

伯子不衣冠而處弟子曰夫子何為見此人乎曰其

質美而無文吾欲說而文之

說音稅下同

孔子去子桑伯

子門人不說曰何為見孔子乎曰其質美而文繁吾
欲說而去其文故曰文質修者謂之君子有質而無

文謂之易野

易簡易野
都野也

子桑伯子易野欲同人道於

牛馬故仲弓曰大簡

哀公問弟子孰為好學章

若舜之誅四凶

書舜典流共工

窮奇

于幽州放驩兜

渾敦

于崇山竄三苗

發發

于三危殛鯀

桀

于羽山四罪而天下咸服

伯牛有疾章

禮病者居北牖下君視之則遷於南牖下

喪大記疾病外內皆埽君大夫徹縣音玄士去琴瑟寢東首

於北牖下

疏曰病者雖恒在北牖下若君來視之時則暫時移向南牖下東首令君得南面而視之

子游為武城宰章

如飲射讀法之類

周禮地官黨正春秋祭禴

音禴五百家為一黨其正於春秋二時祭祭日月星辰水旱之

類

國索鬼神而祭祀

歲十二月大蜡之時索鬼神萬物而祭之

則以禮屬民而

飲酒于序

序學名合聚其黨之民而行鄉飲之禮于序

以正齒位壹命齒于鄉

里

一命為下士以年與眾賓相次

再命齒于父族

再命為中士則以年與族人相次而眾賓不敢

與之
處矣

三命而不齒

三命為上士則雖父族亦不得而齒焉故席于尊東

鄉大夫以鄉射之禮五物詢衆庶

物猶事也謀於衆庶復求賢能養於

鄉學以補所興之缺

一曰和

發而中節

二曰容

動皆合禮

三曰主皮

不失正鵠

四曰和容

容體比於和

五曰興舞

節比於樂

州長春秋以禮會

民而射于州序

解同上

州長各掌其州之教治政令之法

有教則有治政令則所以輔教治者

法則其條目也

正月之吉各屬

音祝下同

其州之民而讀法

屬猶合也

聚合其州之民讀教法而示之

黨正四時之孟月吉日則屬民而讀邦法

如州長之禮正月在

州三時在黨

族師各掌其族之戒令政事

百家為族戒以勅其怠忽令所以輔戒而政事則次之

月吉則屬民而讀邦法

屬民讀法州長以正月黨正以孟月族師則每月舉行

閭胥各掌其閭之徵令

二十五家為閭其胥掌其徵召之命令

以歲時

各數其閭之衆寡辨其施舍既比

必二反

則讀法

既比人數

之後則讀法以戒數之

孟之反不伐章

事在哀公十一年

左傳哀公十一年齊國書高無平

與正同

帥師伐我孟

孺子洩帥右師

孺子孟懿子之子武伯彘也

冉求帥左師師及齊

師戰于郊右師奔齊人從之

逐右師

孟之側後入以為

殿

之側孟氏族也字反

抽矢策其馬曰馬不進也

子見南子章

孔子至衛南子請見

史記孔子世家孔子適衛靈公夫人有南子者使人

謂孔子曰四方之君子不辱欲與寡君為兄弟者必見寡小君寡小君願見孔子辭謝不得已而見之夫人

在絺帷中孔子入門北面稽首夫人自帷中再拜環

佩玉聲璆然孔子曰吾鄉音向為弗見見之禮荅焉子

路不說音悅孔子矢之曰予所不音浮九者天厭之天厭

之居衛月餘靈公與夫人同車宦者雍渠參乘出使

孔子為次乘招搖市過之招搖翔也孔子曰吾未見好

去聲下同德如好色者也於是醜之去衛

有見其小君之禮

春秋莊公二十四年八月丁丑夫人姜氏入戊寅大

夫宗婦覲用幣

哀姜齊襄公之女也宗婦同姓大夫之婦禮小君至大夫執贄以見明臣

子之道莊公欲奢誇夫人故使大夫宗婦同贄俱見

如云所不與崔慶者之類

左傳襄公二十五年齊崔杼弑莊公立景公而相

之慶封為左相盟國人於大

音太

宮曰所不與崔慶者

晏子仰天歎曰嬰所不唯忠於君利社稷是與有如

上帝乃歎

盟書云所不與崔慶者有如上帝讀書未終晏子抄答易其辭因自歎

○述而篇

述而不作章

老彭商賢大夫見大戴禮

虞德篇有商老彭之語

薛氏曰老彭殷賢大夫即莊子所謂彭祖也名鏗走臣封

於彭城歷虞夏至商年七百歲故以久壽見世本云姓錢名鏗在商為守藏史在周為柱下史年八百歲

自行束脩以上章

相見必執贄以為禮

禮曲禮下凡摯天子鬯諸侯圭卿羔大夫雁士雉庶

人之摯匹

音木

童子委摯而退

摯之言至也童子委摯而退不與成人為禮也

匹鷺也

野外軍中無摯以纓拾矢可也

纓馬繫纓也拾為射講

婦

人之摯棋棊脯脩棗栗

子之所慎章

齊之為言齊也

禮祭統及時將祭君子乃齊齊

側皆反

之為言齊

如下字

也齊不齊以致齊者也

子在齊聞韶章

史記三月上有學之二字

孔子世家魯亂孔子適齊為高昭子家臣欲以通乎
景公與齊大師語樂聞韶音學之三月不知肉味齊
人稱之

夫子為衛君乎章

伯夷叔齊遜國而逃諫伐而餓

史記伯夷叔齊傳伯夷叔齊孤竹君之二子也

索隱
曰孤

竹君是殷湯所封相傳至夷齊之父名初字子朝伯夷名元字公信叔齊名致字公達夷齊諡也伯仲又其長少之字也地理志孤竹城在遼西令支縣應劭云蓋伯夷之國君姓墨胎氏正義曰姓點氏括地志云孤竹古城在盧龍縣南十二里殷時諸侯孤竹國也

武王載木主號為文王

東伐紂伯夷叔齊叩馬而諫曰父死不葬爰及干戈

可謂孝乎以臣弑君可謂仁乎左右欲兵之

兵殺之也

太

公曰

武王田于渭得呂尚父謂曰吾太公望子久矣號曰太公望

此義人也扶而

去之武王已平殷亂天下宗周而伯夷叔齊恥之義

不食周粟

謂不食周祿也

隱於首陽山

首陽山即雷首山之陽在河東府河東縣

南
采薇而食之遂餓而死

加我數年章

史記作假我數年若是我於易則彬彬矣

孔子世家孔子晚而喜易序彖繫象說卦文言讀易
韋編三絕曰假我數年若是我於易則彬彬矣

不知老之將至云爾章

俛焉日有孳孳而不知年數之不足

禮表記小雅曰高山仰止景行行止子曰詩之好仁

如此鄉道而行中道而廢忘身之老也不知年數之不足也俛焉日有孳孳斃而後已

陳司敗問昭公知禮乎章

不娶同姓謂吳孟子者

禮坊記取

去聲

妻不取同姓以厚別也

厚猶遠也

故買妾不

知其姓則卜之以此坊民魯春秋猶去夫人之姓曰

吳其死曰孟子卒

魯昭公娶於吳吳亦姬姓故諱曰吳孟子者假托以為子姓也

子路請禱章

士喪禮疾病行禱五祀

儀禮士喪禮記士處適寢寢東首于北牖下有疾病

者齊

音劑憂也正情性也適寢者不齊不居其室

養者皆齊徹琴瑟疾病

外內皆埽徹褻衣加新衣御者四人皆坐持體

為不能自

轉側御者今

男女改服屬纊以俟絕氣

續今之新綿易搖動置口

時侍從之人

鼻之上以為候

男子不絕於婦人之手婦人不絕於男子之

手乃行禱於五祀

謂門戶行竈中雷盡孝子之情乃五祀博言之士二祀曰門曰行

卒

○泰伯篇

泰伯其可謂至德也已矣章

泰伯不從事見春秋傳

吳越春秋古公三子

古公周大王之本號也後乃尊為大王名亶父公劉九世孫也

有三子

長曰太伯次曰仲雍一名虞仲

仲雍字乳哉

少曰季

歷季歷娶大任

列女傳曰大姜有台氏之女大任摯任氏之中女王季之妃文王之母也

生子昌有聖瑞

尚書帝命驗云季秋之月甲子赤爵銜丹書入于鄧止于昌戶其書云敬

勝怠者吉怠勝敬者滅義勝欲者從欲勝義者遠凡事不强則不枉不敬則不正枉者廢滅敬者萬世以

仁得之以仁守之其量百世以不仁得之以仁守之其量十世以不仁得之不仁守之不及其世此蓋聖

瑞

古公知昌聖欲傳國以及昌

意欲傳國于季歷以及于昌

曰興

王業者其在昌乎因名曰李歷太伯仲雍望風知指

言二子知其意

曰歷者適也知古公欲以國及昌古公病二

人托名採藥於衡山

大伯仲雍托與大王採藥治病於衡山而讓國

遂之荆

蠻

荆者楚之舊號以州而言曰荆蠻者閩地南夷之名也正義曰太伯奔吳所居城在蘇州北五十里

常州無錫縣界梅里村其城及冢見存而云亡荆蠻者

楚滅越其地屬楚秦滅楚其地屬秦秦諱楚故曰荆

故通號吳越之地為荆及

斷髮文身

俗常在水中故斷其髮文其身

北人史加云蠻勢之然也

以象龍子故
不見傷害

為夷狄之服示不可用古公卒太伯仲

雍歸赴喪畢還荆蠻國民而君事之自號為勾吳

吳言

勾者夷之發聲猶言於越耳吳名始於太伯明以前未有吳號地在越楚之界故稱荆蠻也

吳人

或問何像為勾吳太伯曰吾以伯長居國絕嗣者也

其當有封者吳仲也故自號勾吳非其方乎荆蠻義之從而歸之者千有餘家共立以為勾吳數年之間民人殷富遭殷之末世衰中國侯王數用兵恐及於荆蠻故太伯起城周三里二百步外郭三百餘里在

西北隅名曰故吳人民皆耕田其中古公病將卒令
季歷讓國於太伯而三讓不受故云太伯三以天下
讓

左傳僖公五年宮之奇曰太伯虞仲太王之昭也太

伯不從是以不嗣

杜預曰不從父命俱讓適吳仲
雍支子別封西吳虞公其後也

曾子有疾章

君子曰終小人曰死

禮檀弓上君子曰終小人曰死吾今日其庶幾乎

父母全而生之子全而歸之

禮祭義樂正子春下堂而傷其足數月不出猶有憂色門弟子曰夫子之足瘳矣數月不出猶有憂色何也樂正子春曰善如爾之問也善如爾之問也吾聞諸曾子曾子聞諸夫子曰天之所生地之所養無人為大父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也今予忘孝之道予是有憂色也

頃當為跬聲之誤也大葉反

立於禮章

固人肌膚之會筋骸之束

見大學或問

民可使由之章

朝四暮三之術

列子黃帝篇宋有狙公者

善養猿猴之人故號曰狙公

愛狙養之

成羣能解狙之意狙亦得公之心損其家口充狙之

欲俄而匱焉將限其食恐衆狙之不馴於己也先誑

之曰與若芋

芋栗也一云橡子也芋音序

朝三而暮四足乎衆狙

皆起而怒俄而曰與若芋朝四而暮三足乎衆狙皆
伏而喜物之以能鄙相籠皆猶此也

○子罕篇

拜下禮也章

臣與君行禮當拜於堂下

儀禮燕禮為君燕卿大夫之禮公坐取大夫所酌解
興以酌賓降西階下再拜稽首公命小臣辭賓升成

拜

升成拜復再
拜稽首也

子畏於匡章

陽虎曾暴於匡

史記孔子世家孔子去衛將適陳過匡顏刻為僕以
其策指之曰昔吾入此由彼缺也匡人聞之以為魯
之陽虎陽虎嘗暴匡人匡人於是遂止孔子孔子狀
類陽虎拘焉五日顏淵後子曰吾以汝為死矣顏
淵曰子在回何敢死匡人拘孔子益急弟子懼孔子
曰文王既沒文不在茲乎天之將喪斯文也後死者

不得與於斯文也天之未喪斯文也匡人其如予何

孔子使從者為甯武子臣於衛然後得去

索隱曰家語子路彈

劍而歌孔子和之曲三終匡人解圍而去今此取論語文王既沒之文及從者臣甯武子然後得去蓋夫子再厄匡人或說辭以解圍或彈劍而釋難今此合論語家語之文以為一事故彼此文交互耳

太宰問於子貢曰章

太宰官名或吳或宗

史記孔子世家孔子自楚反乎衛是歲也孔子年六十三而魯哀公六年也其明年吳與魯會繒徵百牢

太宰嚭召季康子康子使子貢往然後得已

宋世家殤公立以孔父嘉為司馬華督為太宰至平

公以向帶為太宰魚府為少宰

杜氏曰按春秋之時以太宰名官者惟吳

宗與魯耳吳有太宰嚭宗有太宰華督事殤公其後九世至平公乃以向帶為太宰平公即位之歲距孔子過宋歷二公八十餘年其間或廢或不雖未可知然左氏及史記亦不復載不可考也况孔子過宋時遭桓司馬之厄遂微服而去豈復有問子貢者歟疑此太宰即吳嚭也吳與魯會繒嚭召季康子康子使子貢往焉則此當是吳太宰而亦當在此年也魯自公子翬請於隱公欲殺桓以求太宰其後不復見

欲罷不能章

非所謂窈冥昏默

莊子在宥篇黃帝曰敢問治身奈何而可以長久廣

成子履

音厥

然而起曰善哉問乎來吾語去聲女至道至

道之精窈窈

烏了反

冥冥至道之極昏昏默默無視無

聽抱神以靜

且予與其死於臣之手也章

曾子將死起而易簣曰吾得正而斃焉斯已矣

禮檀弓曾子寢疾病

疾重曰病

樂正子春坐於牀下

子春曾子

弟
曾元曾申坐於足

元申曾
子之子

童子隅坐而執燭童子

曰華而晬

華板反華畫
也晬明貌

大夫之簀與

平聲
下同

子春曰止

曾子聞之瞿

音

然曰呼

瞿然驚貌呼
虛憊之聲

曰華而晬大夫

之簀與曾子曰然斯季孫之賜也我未之能易也元

起易簀曾元曰夫子之病草矣

草急也

不可以變

變變動

幸而至於旦請敬易之曾子曰爾之愛我也不如彼

君子之愛人也以德細人之愛人也以姑息吾何求

哉吾得正而斃焉斯已矣

斃什也

舉扶而易之反席未

安而沒

子欲居九夷章

東方之夷有九種

後漢東夷傳夷有九種

竹書紀年曰后芬即位三年九夷來御也

曰畎夷

于夷方夷黃夷白夷赤夷元夷風夷陽夷

竹書紀年曰后池二

十一年命畎夷赤夷玄夷風夷陽夷后相即位二年征黃夷七年于夷來賓後少康即位方夷來賓也

一曰東夷九類玄菟樂浪高驪蒲飾鳧夷索豕東屠

倭人天鄙

吾未見好德如好色者也章

史記孔子居衛靈公與夫人同車

見前子見南子下

後生可畏章

曾子曰五十而不以善聞則不聞矣

修身篇曾子曰年三十四十之間而無藝則無藝矣
五十而不以善聞則不聞矣七十而未壞雖有後過
亦可以免矣

衣敝緼袍章

袍衣有著者也

著音貯

禮玉藻續

音曠

為繭緼為袍

衣有著之異名也續為今之新綿也緼謂今續及舊

絮也禪

音丹

為絢

音裳

炯有衣而無裏

帛為褶

有表裏而無著

未可與權章

易九卦終於巽以行權

繫辭下履以和行謙以制禮復以自知恒以一德損以遠害益以興利困以寡怨井以辨義巽以行權

○鄉黨篇

朝與下大夫言章

王制諸侯上大夫卿下大夫五人

禮王制王者之制祿爵公侯伯子男凡五等諸侯之上大夫卿下大夫上士中士下士凡五等天子三公

九卿二十七大夫八十一元士

此夏制也明堂位曰夏后氏之官百舉成

穀大國三卿皆命於天子下大夫五人上士二十七

人次國三卿二卿命於天子一卿命於其君下大夫五人上士二十七人小國二卿皆命於其君下大夫

五人上士二十七人

揖所與立章

上公九命

周禮春官大宗伯以九儀之命正邦國之位

每命異儀貴賤

之位乃正春秋傳曰名位不同禮亦異數

壹命受職

始見命為正吏謂列國之士於子男為大

夫王之下士亦一

再命受服

受服受祭衣服為上士此受玄冕之服列國之

大夫再命於子男為卿卿大夫自玄冕而

三命受位

下如孤之服王之中士亦再命則爵并服

受下大夫之位此列國之卿始有列位

四命受器

祭

於王為王之臣也王之上士亦三命

器為上大夫此公之孤始得有祭器者也禮運曰大夫具官祭器不假聲樂皆具非禮也王之下大夫亦四

命五命賜則

則者法也地未成國之名王之下大夫四命出封加一等五命賜之以方百里

二百里之地者方三百里以上為成國王莽時以二

十五成為則方五十里合今俗說子男之地獨劉子

駿等識古

六命賜官

子男入為卿治一官也此王六

有此制焉

命之卿賜官者使得自置其臣

治家

七命賜國

王之卿六命出封加一等者出就侯伯之國

八命作牧

謂侯

伯有功德者加命得專征伐於諸

侯一州之牧王之三公亦八命

九命作伯

上公有功德者

加命為二伯得征五侯

九命者長諸侯為方伯

擯用命數之半

周禮秋官司寇大行人以九儀辨諸侯之命等諸臣

之爵以同邦國之禮而待其賓客

九儀謂命者五公侯伯子男也爵者

四孤卿大夫士也

上公之禮執桓圭九寸冕服九章介九人

禮九牢擯者五人諸侯之禮執信圭七寸冕服七章

介七人禮七牢擯者四人諸伯執躬圭其他皆如諸

侯之禮諸子執穀璧五寸冕服五章介五人禮五牢

擯者三人諸男執蒲璧其他皆如諸子之禮

又擯相之容

周禮司儀掌九儀之賓客擯相之禮以詔儀容辭令

揖讓之節

出接賓曰擯入贊禮曰相以詔者以禮告王

入公門章

人君宁立之處

禮曲禮下天子當依而立諸侯北面而見天子曰覲

天子當宁而立諸公東面諸侯西面曰朝

當依而立者依狀如

屏風以絳為質高八尺東西當戶牖之間綉為斧文也亦曰斧依爾雅曰門屏之間謂之宁

兩手摠衣使去地尺

禮曲禮上兩手摳衣去齊尺

氣容肅也

禮玉藻君子之容舒遲見所尊者齊

音速 謙恭貌也 漱謂

也 盛盛

足容重手容恭目容端口容止聲容靜頭容直

氣容肅

似不
息也

立容德色容莊

執圭鞠躬如也章

諸侯命圭

周禮冬官考工記鎮圭尺有二寸天子守之命圭九

寸謂之桓圭公守之命圭七寸謂之信圭侯守之命

圭七寸謂之躬圭伯守之

命圭者王所命之圭也朝覲執焉居則守之子守穀

整男守蒲璧不

言之者闕耳

使大夫執以通信

禮郊特牲朝覲大夫之私覲非禮也大夫執圭而使

所以申信也

其君親來其臣不敢私見於主國君以君命聘則有私見

不敢私覲

所以致敬也

執輕如不克

禮曲禮下凡執主器執輕如不克

舉前曳踵

禮玉藻執龜玉舉前曳踵縮縮如也

踵謂足後跟也謂曳足跟行不

離地也

既聘而享用圭璧有庭實又曰發氣滿容

儀禮聘禮公受享幣擯者出請

擯謂主國之君所使出接賓客者也擯出

請賓不必賓事之有無

賓裼

裼者免上衣見裼衣

奉束帛加璧享擯者入

告出許

許受之

庭實

工庭中所陳設之物下文皮幣馬是也工庭門屏之內

皮則

攝之毛在內內攝之入設也

皮虎豹之皮攝之者右手并執前足左手并執

後足毛在內不欲文之豫見也內攝之者兩手相向也入設亦參分庭一在南言則者或以馬也凡君於

臣臣於君麋鹿皮可也

○記及享發氣焉盈容

發氣含氣也

衆介北

面蹕

七羊反

焉

衆介者士也蹕容貌舒揚也

君子不以紺緌飾章

詩所謂蒙彼絢絺是也

君子偕老嗟兮嗟兮其之展也蒙彼絢絺是袿袿也

玉不去身

禮曲禮下君無故玉不去身

觶礪之屬

禮內則子事父母雞初鳴咸盥漱櫛縱笄總拂髦冠

綏纓端鞞紳搢笏左右佩用左佩紛帨刀礪小觶金

燧

紛帨拭物之巾也刀礪小刀及厲磬也小觶解小結也觶貌如錐以象骨為之金燧可取火於日

右佩玦捍管還

音帶

大觶木燧

捍謂拾也言可以捍弦也管筆驅也還刀鞞也

木

燧鑽

偁

偁行

屨著綦

綦屨繫也

火也

食不厭精章

聶而切之

禮少儀牛與羊魚之腥聶

直涉反

而切之為膾

聶之為言腩也

先藿葉切之復報切之則成膾

麋鹿為道野豕為軒皆聶而不切

軒音

獻道類也

五穀不成果實未熟之類

禮王制五穀不時果實未熟不粥於市

物未成不利人

木不

中伐不粥於市

伐之非時不中用周禮仲冬斬陽木仲夏斬陰木

禽獸魚鼈

不中殺不粥於市

殺之非時不中用月令季冬始漁周禮春獻鼈蜃

漢陸續之母切肉未嘗不方

後漢陸續傳

續字智初會稽吳人也

續詣洛陽詔獄

漢明帝時楚王英謀

反連及太守尹興及續時為尹興掾故坐就獄

續被掠考肌肉消爛終無異

辭續母遠至京師覘候消息獄事特急無緣與續相

聞

覘丑廉反

母但作饋食付門卒以進之續雖見考苦毒

而辭色慷慨未嘗容易唯對食悲泣不能自勝

得食知母

至悲泣不能自勝

使者怪而問其故續曰母來不得相見故

泣耳使者大怒以為獄門吏卒通傳意氣召將案之

使者欲召守獄
門吏案問之

續曰因食餉羹識母自調和故知來

耳非人告也使
者問何以知母所作乎續曰母嘗截

肉未嘗不方斷葱以寸為度是以知之使者問諸謁

舍

謁舍所謂傳主人之舍也

續母果來於是陰嘉之上書說續行

狀帝即赦興等事還里禁錮終身續以老病卒

用醬各有所宜

禮內則濡豚已苦實蓼濡雞醢醬實蓼濡魚卵醬實

蓼濡鼈醢醬實蓼

凡濡為烹之以汁和也苦苦茶也用已豚殺其氣卵讀為鯢鯢魚子

脍

丁亂反

脩蚺

直其反

醢

脍脩捶脯施薑桂也蚺蚺蜉子也

脯羹兔醢麋

膚魚醢魚膾芥醬麋腥醢醬

酒以為人合懽

禮樂記先王因為酒禮壹獻之禮賓主百拜終日飲

酒而不得醉焉此先王之所以備酒禍也

一獻士飲酒之禮百

拜以喻多故酒食者所以懽合也

肺為氣主

素問五藏生成篇諸脉者皆屬於目諸髓者皆屬於

腦諸筋者皆屬於節諸血者皆屬於心諸氣者皆屬

於肺

肺藏主氣故也

六十杖於鄉

禮王制五十杖於家六十杖於鄉七十杖於國八十杖於朝九十者天子欲有問焉則就其室以珍從

鄉飲酒之禮六十者坐五十者立侍以聽政役所以明尊長也六十者三豆七十者四豆八十者五豆九十者六豆所以明養老也

愚謂朱子獨引六十杖於鄉不曰七十八九十者

省文也言六十則七十以上者可知蓋六十杖於鄉而於鄉字切言於國於朝則於鄉不必言也杖於家者則未可杖於鄉故立侍以聽政役此見集註釋之精也

周禮方相氏掌之

夏官方相氏

方相猶言放想可畏怖之貌蒙熊皮黃金四目玄衣朱裳執戈揚盾可畏怖也

帥

與卒同

百隸

隸同

而時難

音難

帥領百隸之人而歲除難

以索室毆疫

以索室中疫鬼而驅遣之月令季冬命國僮索搜也

君賜食章

或餽餘故不以薦

禮曲禮上餽餘不祭父不祭子夫不祭妻

履齋孫氏曰所謂餽

餘者食物之餘雖妻子皆卑而父與夫亦不以食餘之物而祭之嫌其賤也然非食物之餘焉有不祭者乎

周禮王日一舉膳夫授祭品嘗食

天官膳夫掌王之食飲膳羞以養王及后世子

食飯也飲

酒漿也膳牲肉也羞有滋味者凡養之具大略有四

王日一舉鼎十有二物皆

有俎

殺牲盛饌曰舉王日一舉以朝食也后與王同庖鼎十有二牢鼎九陪鼎三謂物牢鼎之實亦

九以樂侑食膳夫授祭品嘗食王乃食

侑猶勸也祭謂刲肺脊也

禮飲食必祭示有所先品者每物皆嘗之道尊者也判寸木反

卒食以樂徹于造

人惟萬物之靈而王者之所天也

前漢酈食

音基陳留高異陽人事高祖

曰王者以民為天而民

以食為天

天者人資而生者也王資民力而生不可忽也食得之則生弗得則死故民以食為

天

獻民數於王王拜受之

周禮秋官司民掌登萬民之數自生齒以上皆書於版辨其國中與其都鄙及其郊野異其男女歲登下

其死生

登上也男八月女七月而生齒版今戶籍也下猶去也每歲更著生去死

及三年

大比以萬民之數詔司寇司寇及孟冬祀司民之日

獻其數于王王拜受之登于天府

若有疾風迅雷甚雨則必變雖夜必興衣服冠而坐

禮玉藻君子之居恒當戶

鄉明

寢恒東首

首生氣也

若有疾

風迅雷甚雨則必變雖夜必興衣服冠而坐

敬天之怒

顧不過轂

禮曲禮車中不廣欬不妄指立視五雋

立平視也雋猶規也謂輪

轉之度

式視馬尾顧不過轂

轂車轂也若轉頭不得過轂過轂則掩後人私也

色斯舉矣章

嗅當作臭古聞反張兩翅也見爾雅

爾雅釋獸須屬獸曰鰐

許靳反獸之自奮迅動作名鰐

人曰橋

紀小反人

之罷倦類伸天橋舒展屈折名橋

魚曰須

魚之鼓動兩類若人之欠須導其氣息者名須

鳥

曰臭

鳥之張兩翅臭臭然搖動者名臭此皆氣倦體罷所須若此故題云須屬也



論語集註通證卷上

欽定四庫全書薈要

經部

論語通證卷下

詳校官主事銜臣徐以坤



欽定四庫全書薈要卷三千一百十六

經部

論語集註通證卷下

元 張存中 撰

先進篇

南容三復白圭章

一日三復此言事見家語

弟子行獨居思仁公言思義其於詩也則一日三復
白圭之玷是宮縉之行也孔子信其能仁以為異士

顏路請子之車章

脫驂以賻之

禮檀弓孔子之衛遇舊館人之喪入而哭之哀出使

子貢說

音驂

而賻之

驂馬曰驂賻助也
以馬助喪用也

門人欲厚葬之章

喪具稱家之有無

禮檀弓子游問喪具夫子曰稱家之有無子游曰有

無惡乎齊夫子曰有無過禮苟亡矣斂手足形還葬

縣音棺而封人豈有非之者哉

閔子侍側章

子路卒死於衛孔悝之難

左傳哀公十五年衛孔圉取太子蒯聵之姊生悝

孔圉

孔文子也蒯聵姊孔伯姊

太子自戚入適伯姬氏既食孔伯姬杖

戈而先太子與五人介與豶從之

介被甲與豶豚欲以盟

迫孔

悝於厠強盟之

孔氏專政故劫孔悝欲令逐輒

遂劫以登臺縶寧聞

亂使告季子

季子子路也為孔氏邑宰

召獲奉衛侯輒來奔季子

將入遇子羔將出

子羔衛大夫高柴孔子弟子將出奔

曰門已閉矣季

子曰吾姑至焉子羔曰弗及不踐其難

言政不及已可不須踐其

難季子曰食焉不辟其難子羔遂出子路入及門有

使者出乃入曰太子焉用孔悝雖殺之必或繼之且

曰太子無勇若燔臺半必舍孔叔太子聞之懼下石

乞孟厲敵子路

二子崩賸黨敵當也

以戈擊之斷纓子路曰君

子死冠不免結纓而死

由之瑟章

家語云子路鼓瑟有北鄙殺伐之聲

辯樂解子路鼓瑟孔子聞之謂冉有曰甚矣由之不才也夫先王之制音也奏中聲以為節流入於南不居於北夫南者生育之鄉北者殺伐之城故君子之音溫柔居中以養生育之氣憂愁之感不加於心也暴厲之動不在於體也夫然者乃所謂治安之風也小人之音則不然亢厲微末以象殺伐之氣中和之感不載于心溫和之動不存于體夫然者乃所以為

亂之風

柴也愚章

家語記其足不履影啓蟄不殺方長不折避難而行不
徑不竇

弟子行高柴自見孔子出入於戶未嘗越履往來過
之足不履影啓蟄不殺方長上聲不折執親之喪泣血

三年未嘗見齒是高柴之行也孔子曰柴於親喪則
難能也啓蟄不殺則順人道方長不折則恕仁也成

湯恭而以恕是以日躋

躋升也

致思崩殯之亂季羔

逃之走郭門守門者謂季羔曰彼有缺季羔曰君子

不踰又曰彼有竇季羔曰君子不隧

隧從竇出

又曰於此

有室季羔乃入焉

億則屢中章

夫子嘗曰賜不幸言而中

左傳定公十五年邾隱公來朝

邾子益

子貢觀焉邾子

執玉高其容仰公受玉卑其容俯

玉朝者之贊

子貢曰以

禮觀之二君者皆有死亡焉夫禮死生存亡之體也
將左右周旋進退俯仰於是乎取之朝祀喪戎於是
乎觀之今正月相朝而皆不度不合法度心已亡矣嘉事
不體何以能久嘉事朝禮高仰驕也卑俯替也驕近亂替
近疾君為主其先亡乎為此年公薨哀七年師宵掠以邾子益來獻于薨社夏
五月壬申公薨仲尼曰賜不幸言而中是使賜多言
者也

子畏於匡章

民生於三事之如一

國語晉語欒共

音恭子曰

欒共子名成諡曰共

民生於三事之如

一父生之師教之君食之非父不生非食不長非教

不知

非師則無以開示訓誨雖生而不知所以俱生之理與禽獸何以異哉

生之族也

族類也謂君之養已師之所教已與生我之恩同類也

故壹事之惟其所在則

致死焉

在父為父在師為師在君為君子畏於途以顏淵為死是時顏路尚在此在師為師也史

傳紀忠義凡死於君事者皆不得顧其親蓋移事父之道以事君忠孝無兩全之理此在君為君也報

生以死報賜以力人之道也

子路使子羔為費宰章

古者學而後入政

左傳襄公三十一年僑聞學而後入政未聞以政學者也

宗廟之事如會同章

時見曰會衆頤曰同

周禮春官大宗伯春見曰朝夏見曰宗秋見曰覲冬

見曰遇時見曰會殷見曰同

此六禮者以諸侯見王為文六服之內四方以

時分來或朝春或宗夏或覲秋或遇冬名殊禮異更
遞而徧朝猶朝也欲其來之早宗尊也欲其尊王覲
之言勤也欲其勤王之事遇偶也欲其若不期而偶
至時見者言無常期諸侯有不順服者王將有征討
之事則既朝覲王為壇於國外合諸侯而命事焉春
秋傳曰有事而會不協而盟是也殷有衆也十二歲
王如不巡守則六服盡朝朝禮既畢王亦為壇合諸
侯以命政焉所命之政如王巡守殷見四方四時分
來終歲
時聘曰問殷瀕曰視
臣既非朝歲不敢瀆為小禮殷瀕謂一服朝之歲以
朝者少諸侯乃使卿以大禮衆聘焉一服朝在元年
七年十
一年

點爾何如章

以齒為序則點當次對

史記仲尼弟子傳仲由字子路卞人也少孔子九歲

曾點字皙與子參皆侍孔子

按史記家語載曾參少孔子四十六歲則曾點

必少孔子二十餘歲合居其次

冉求字子有仲弓之族也少孔子二

十九歲公西赤字子華魯人少孔子四十二歲

○顏淵篇

顏淵問仁章

如事事之事

書說命惟事事乃其有備有備無患

史記曹參傳卿大夫已下吏及賓客見參不事事

不事

丞相

之事

人皆有兄弟章

子夏哭子喪明

禮檀弓上子夏喪其子而喪其明

膚受之愬章

如易所謂剥牀以膚切近災者也

剥六四象曰

盍徹乎章

魯自宣公稅畝

春秋宣公十五年初稅畝

公田之法十取其一今又履其餘畝復十收其一故

哀公曰二吾猶不足遂以為常故曰初

左傳初稅畝非禮也穀出不過

籍

周法民耕百畝公田中畝借民力而治之稅不過此

以豐財也

齊景公問政章

孔子適齊

史記孔子世家孔子年三十五而季平子與郈昭伯以鬪雞故得罪魯昭公昭公率師擊平子平子與孟氏叔孫氏三家共攻昭公昭公師敗奔於齊齊處昭公乾侯其後頃之魯亂孔子適齊為高昭子家臣欲以通乎景公景公問政於孔子

陳氏厚施於國

左傳昭公二年晉少姜卒

少姜齊女
晉侯嬖姜

三年齊侯使晏

嬰請繼室於晉既成婚晏子受禮叔向從之宴相與

語叔向曰齊其何如晏子曰此季世也吾弗知齊其

為陳氏矣

不知其他唯知齊將為陳氏

公棄其民而歸於陳氏齊

舊四量

音亮

豆區

烏侯反

釜鍾四升為豆各自其四以登

於釜

四豆為區區斗六升四區為釜釜六斗四升登成也

釜十則鍾

六斛

陳氏

三量皆登一焉鍾乃大矣

登加也加一謂加舊量之一也以五升為豆五豆為

區五區為釜則區二斗釜八斗鍾八斛釋文舊本以

五升為豆四豆為區四區為釜直加豆為五升而區

釜自大故杜云區二斗釜八斗是也本或作五豆為

區五區為釜者為加舊豆區為五亦與杜預注相合

非於五升之豆

以家量貸而以公量收之

貸厚而收薄

山

木如市弗加於山魚鹽蜃蛤弗加於海賈如在山海不加貴民

參七南反其力二入於公而衣食其一言公重賦斂公聚朽

蠹而三老凍餒三老謂上壽中壽下壽皆八十以上不見養遇國之諸市屨

賤踊貴踊則足者屨也則足者多故屨賤無用踊有用故貴民人疾痛而或燠

於位反休虛位反之燠休痛念之聲謂陳氏也其愛之如父母而歸之

如流水欲無獲民將焉辟之

二十六年齊侯與晏子坐於路寢公歎曰美哉室其

誰有此乎景公自知德不能又有國故歎也晏子曰敢問何謂也公

曰吾以為在德對曰如君之言其陳氏乎陳氏雖無

大德而有施

式鼓反

於民豆區釜鍾之數其取之公也

薄

謂以公量收

其施之民也厚

謂以私量貸

公厚斂焉陳氏厚

施焉民歸之矣詩曰雖無德與女式歌且舞

詩小雅義取雖

無大德要有喜悅之心欲歌舞之式用也

陳氏之施民歌舞之矣後世若

少情陳氏而不亡則國其國也已公曰善哉是可若

何對曰唯禮可以已之在禮家施不及國民不遷農

不移工賈不變

守常業

士不濫

不失職

官不滔

滔慢也

大夫

不收公利

不作福

公曰善哉我不能矣吾今而後知禮

之可以為國也

景公又多內嬖而不立太子

左傳哀公五年齊燕姬生子不成而死

燕姬景公夫人不成未冠

也諸子鬻如之子荼嬖

諸子庶子也鬻如景公妾荼安孺子

諸大夫恐

其為太子也言於公曰君之齒長矣未有太子若之

何公曰二三子間

音閑

於憂虞則有疾疢亦姑謀樂

何憂於無君

景公意欲立荼而未發故以此言塞大夫請

公疾使國惠子

高昭子立荼

惠子國夏昭子高張

寘羣公子於萊

萊齊東鄙邑

秋景

公卒冬公子嘉公子駒公子黔奔衛公子鉏公子陽

生來奔

皆景公子在萊者

六年八月陳僖子使召公子陽生

而立之

是為悼公

公使朱毛遷孺子於駘不至殺諸野幕

之下

啓陳氏弑君篡國之禍

史記田敬仲完世家完五世孫田釐子乞事齊景公
為大夫其收賦稅於民以小斗受之其粟予民以大

斗行陰德於民而景公弗禁由此田氏得齊衆心宗族益強民思田氏景公太子死後有寵姬曰芮子生子荼景公病命其相國惠子高昭子以荼為太子景公卒兩相高國立荼是為晏孺子而田乞不悅欲立景公他子陽生陽生素與乞歡晏孺子之立也陽生奔魯田乞鮑牧與大夫以兵入公室攻高昭子殺之惠子奔莒晏孺子奔魯田乞使人迎陽生至齊遂立陽生於田乞之家是為悼公乃使人殺孺子荼悼公

既立田乞為相專齊政四年田乞卒子恒代立是為

田成子鮑牧與齊悼公有隙弑悼公齊人共立其子

壬是為簡公田恒與監止

一作閭

俱為左右相相簡公

田恒心害監止監止幸於簡公權弗能去於是田恒

復修釐子之政以大斗出貸以小斗收齊人歌之曰

姬乎采芑歸乎田成子田恒擊殺子我及監止簡公

出奔田氏之徒遂殺簡公於徐州恒立簡公之弟驁

是為平公平公即位田恒為相田恒言於平公曰德

施人之所欲君其行之刑罰人之所惡臣請行之行之五年齊國之政皆歸田恒田恒於是盡誅鮑晏及公族之强者而割齊自安平以東至琅邪自為封邑封邑大於平公之所食田恒卒子襄子盤代立襄子卒子莊子白代立莊子卒子太公和立田和遷齊康公於海上食一城以奉其先祀康公之十九年田和立為齊侯列於周室紀元年齊侯太公和立二年卒子桓公午立六年桓公卒子威王因齊立二十六年

自稱為王以今天下

子路無宿諾章

小邾射以句繹奔魯

左傳哀公十四年小邾射

音亦

以句繹

音亦

來奔

射小邾大

夫句繹地名

曰使季路要我吾無盟矣

子路信誠故欲得與相要誓而不須

盟使子路子路辭季康子使冉有謂之曰千乘之國

不信其盟而信子之言子何辱焉對曰魯有事於小

邾不敢問故使其城下可也彼不臣而濟其言是義

之也由弗能

李康子患盜章

康子奪嫡事見春秋傳

左傳哀公三年秋季孫有疾命正常曰無死

正常桓子之寵

臣欲付以後事故

勅令勿從已死

南孺子之子男也則以告而立之

南孺子季桓子之妻言

若生男告公而立之

女也則肥也可

肥康子也

季孫卒

康子即位既葬康子在朝

在公朝也

南氏生男正常載以

如朝告曰夫子有遺言命其圉臣曰南氏生男則以

告於君與大夫而立之今生矣男也敢告遂奔衛康

子請退

退辭位也

公使共劉視之

共劉魯大夫

則或殺之矣乃

討之

討殺者

召正常正常不反

畏康子也

○子路篇

子適衛冉有僕章

明帝尊師重傳臨雍拜老

東漢禮儀志明帝永平二月上始帥羣臣躬養

三老五更于辟雍

三老老人知天地人事五更老人知五行更代之事者名三五者取

象三辰五星天所因以昭明天下者明帝紀三老謂
李躬年耆學明五更謂桓榮授帝尚書也帝帥羣下
之臣則奉養之于
辟雍天子之學
三老五更皆服都紵大袍單衣皂

緣領袖裘冠進賢

古緇布冠也又儒者之服也前高
二寸後高三寸長八寸公侯三梁

太傅司空司徒著進賢冠三梁冠黑介憤扶玉杖

策玉飾之杖

五更亦如之不

杖皆齋于太學講堂其日

吉日也

乘輿先到辟雍禮殿御

坐東廂遣使者安車迎三老五更

安車坐乘之車也以蒲裹輪令老者

坐而安穩也遣使者以

天子迎於門屏交禮

報拜也

道

此車迎三老五更就車

自阼階三老升自賓階至階天子揖如禮三老升東

面三公設几九卿正履天子親袒割牲執醬而饋執

爵而酌

音屑
漱也

祝鯁在前祝饔在後

老人食多哽咽故
置人於前後祝之

令其不
哽咽也

五更南面三公進供禮亦如之明日皆詣闕

謝恩以見禮遇大尊顯故也

唐太宗大召名儒增廣生員

唐書儒學傳貞觀六年詔罷周公祠

初祀周公
至此乃罷

更以

孔子為先聖顏氏為先師盡召天下博師考德以為

學官數臨幸觀釋菜命祭酒博士講論經義賜以束

帛

太宗幸國子監觀釋奠孔聖之禮命祭酒孔穎達講孝經賜祭酒以下至諸生高第幣帛有差

生能通一經者得署吏廣學舍千二百區諸生員至

三千二百自玄武屯營飛騎皆給博士受經能通一

經者聽入貢限四方秀艾挾策負素全去聲集京師文

治燭

于貴反

勃興於是新羅

新羅弁韓苗裔也漢樂浪地橫千里縱三千里東距

長人東南日本西自濟南瀕海

高昌

直唐京師西四千里而羸其橫

北高麗而王居金城環八百里

八百里縱五百里凡二十一牧

百濟

扶餘別種也直唐京師六千里

王都交河城漢車師前王廷也

而羸濱海之隅西界越州南倭北高麗

吐蕃

本西羌屬蓋百

皆踰海乃至東新羅也王居東西二城

有十五種散處河湟江浪間而性

高麗

本扶餘別種也地東跨海

勃罕野南涼禿髮利廬狐之後

距新羅南亦跨海距百濟西北渡遼水與營州接北

靺鞨其君居平哀城亦謂長安城漢樂浪郡也去唐

京師五千

等羣酋

慈秋反

長

上聲

並遣子弟入學鼓箏

里而羸

堂者凡八千餘人紆侈袂曳方履閭閻秩秩雖三代之盛所未聞也

苟有用我者章

蓋為衛靈公不能用而發

見孟子萬章下

冉子退朝章

語意與魏徵獻陵之對略相似

唐書魏徵傳

徵字玄成太宗拜徵特進知門下省事魏州曲城人

文德皇后既

葬

文德后即太宗后也后死而既葬是為昭陵

帝即苑中作層觀以望昭

陵引徵同升徵熟視曰臣昏眊不能見帝指視之徵

曰此昭陵邪帝曰然徵曰臣以為陛下望獻陵

獻陵乃太

宗之母陵也

昭陵則臣固見之帝泣為毀觀

帝感悟徵言之幾泣而遂

毀其觀

定公問一言章

如幾如式

詩小雅楚茨如幾

音機

如式

幾期也春秋傳曰易幾而哭是也

○憲問篇

愛之能勿勞乎章

禽犢之愛婦寺之忠

東漢楊彪傳彪子修為操所殺見彪問曰公何瘦之

甚對曰愧無日磾

讀作密低

先見之明猶有懷老牛舐

神音

反犢之愛操為之改容

詩大雅瞻仰匪教匪誨時維婦寺

刺幽王嬖褒姒仕奄人以致亂之詩

寺奄人也蓋其言雖多而非有教

誨之益者是惟婦人與奄人耳

為命禕諶草創之章

鄭國之為辭命必更此四賢之手而成

左傳襄公三十一年北宮文子相衛襄公以如楚過

鄭印段廷

于况反

勞於棐林如聘禮而以勞辭文子入

聘

報印段

子羽為行人馮簡子與子大叔逆客事畢而

出言於衛侯曰鄭有禮其數世之福也其無大國之

討乎詩云誰能執熱逝不以濯禮之於政如熱之有

濯也濯以救熱何患之有

此以上
文子辭

子產之從政也擇

能而使之馮簡子能斷大事子太叔美秀而文

其貌
美其

才公孫揮能知四國之為

知諸侯
所欲為

而辨於其大夫之

族姓班位貴賤能否而又善為辭令裨諲能謀謀於

野則獲

得所
謀也

謀於邑則否

此才性
之救

鄭國將有諸侯之

事子產乃問四國之為於子羽且使多為辭令與裨

諲乘以適野使謀可否而告馮簡子使斷之事成乃

授子太叔使之以應對賓客是以鮮有敗事北宮
文子所謂有禮也

或問子產子曰惠人也章

子產之政不專於寬

左傳昭公二十年鄭子產有疾謂子太叔曰我死子
必為政唯有德者能以寬服民其次莫如猛夫火烈

民望而畏之故鮮死焉水懦弱民狎而翫之

也狎輕也則

多死焉故寬難

難以治

疾數月而卒太叔為政不忍猛

而寬鄭國多盜取人於萑

音丸符

音蒲

之澤

萑符澤名於澤中劫人

大叔悔之曰吾早從夫子不及此興徒兵以攻萑符之盜盡殺之盜少止

子西能遜楚國立昭王而改紀其政

左傳昭公二十六年楚平王卒令尹子常欲立子西

子西平王之長庶

曰太子壬弱其母非適也

壬昭王也

王子建實

聘之子西長而好善立長則順建善則治王順國治

可不務乎子西怒曰是亂國而惡君王也

言王子建聘之是彰

君王之惡

國有外援不可瀆也

外援秦也瀆慢也

王有嫡嗣不可

亂也敗親速讎

不立壬秦將來討是速召仇也

亂嗣不祥我受其名

受惡名

賂吾以天下吾滋不從也

滋益也

楚國何為必殺

令尹令尹懼乃立昭王

定公六年吳大子終纍敗楚舟師

終纍闔閭子夫差兄舟師水戰

獲

潘子臣小惟子

二子楚舟師之帥

及大夫七人楚國大惕懼

亡子期又以陵師敗于繁陽

陵師陸軍

令尹子西喜曰乃

今可為矣

言知懼而後可治

於是乎遷郢於郢

音若

而改紀其

政以定楚國

傳言楚賴子西以安南人謂陸為陵

卒召白公以致禍亂

見大學或問下

荀卿所謂與之書社三百

荀子仲尼篇齊桓公有天下之大節焉夫孰能亡之

大節謂

倓

徒甘反

然見管仲之能足以託國也是天下

節義也

之大知也

倓安也安然不疑也

安忘其怒出忘其讎遂立以為

仲父是天下之大決也立為仲父而貴戚莫之敢妬

也與高國之位而本朝之臣莫之敢惡也與之書社

三百而富人莫之敢距也

書社謂社之戶口書於版圖周禮二十五家為社距

敵也言齊之富人莫有敢敵管仲者

貴賤少長莫不秩秩焉從桓公而

貴敬之是天下之大節也

臧武仲以防求為後於魯章

武仲得罪奔邾自邾如防

左傳襄公二十三年孟孫卒公鉏奉羯立之孺子秩奔邾臧孫入哭甚哀多涕出其御曰孟孫之惡子也而哀如是季孫若死其若之何臧氏曰季孫之愛我

疾疢也孟孫之惡我樂石也美疢不如惡石夫石猶

生我疢之美其毒滋多孟孫死吾亡無日矣十月孟

氏將辟

婢亦反

藉

音借

除於臧氏

辟穿臧也於臧氏借人除葬道

臧孫使

正夫助之

正夫遂正

除於東門甲從

才用反

已而視之

畏孟氏故

從甲士視作者

孟氏告季孫季孫怒命攻臧氏

見其有甲故

臧紇

斬廐門之關以出奔邾

魯南城東門

臧武仲自邾使告臧

賈且致大蔡焉

蔡出龜因號龜為大蔡

曰紇不佞失守宗祧敢

告不弔紇之罪不及不祀子以大蔡納請其可賈曰

是家之禍也非子之過也賈聞命矣再拜受龜使為

以納請

賈使為為已請

遂自為也臧孫如防使來告曰紇非

能害也知不足也

言使甲從已但慮事淺耳

非敢私請苟守先祀

無廢二勲

二勲文仲宣叔

敢不辟邑乃立臧為臧紇致防而

奔齊

與之田邑

晉文公譎而不正章

然桓公伐楚伏羲執言

左傳僖公四年春齊侯以諸侯之師侵蔡蔡潰

齊桓公霸

諸侯攘夷狄尊天子蔡自北杏一與中國之會而棄
我諸姬甘心黨楚故齊師諸侯伐楚而先事侵蔡潰
蔡者先披楚之黨也遂伐楚楚子使與師言曰君處北海寡人

處南海唯是風馬牛不相及也

北牡相誘曰風言雖馬牛風逸北牡相誘

亦不相及喻齊楚遠不相干也

不虞君之涉吾地也何故管仲對曰

昔召康公命我先君大

太音

公曰五侯九伯女實征之

以夾輔周室賜我先君履

履所踐履之界

東至於海西至于

河南至于穆陵

索隱曰淮南有故穆陵門是楚之界

北至于無棣

索隱曰無

棣在遼西孤竹服虔以為太公受封境界所至不然也蓋言其征伐所至之域也

爾貢包茅

不入

以下皆責楚討罪之辭包累束也禹貢荊州包

王祭不共

音供

無以縮酒

祭祀必束茅而灌之以酒為縮酒

寡人是徵

徵亦問也

昭王南征而不復

昭王周成王孫南巡狩濟漢水舟壞而溺死

寡人

是問對曰貢之不入寡君之罪也敢不共給昭王之

不復君其問諸水濱

蓋昭王時漢非楚境故楚不服其罪

師進

楚不復罪故復

進次于陘

楚語云先君蚡冒之所服陘隰也陘必為楚之要地故齊以諸侯之師進而據之焉

夏楚子使屈完如師

屈完楚大夫

師退

屈完請盟故退師

次於召

陵

次于召陵之地以聽楚成

文公則伐衛以致楚而陰謀以取勝

左傳僖公二十八年春晉侯將伐曹假道於衛

曹在衛東

故也衛人弗許還自南河濟

從汲郡南渡出衛南而東

侵曹伐衛正

月戊申取五鹿

衛地

楚人救衛不克公懼於晉殺子叢

以說焉

召子叢而殺之以謝晉說音悅

謂楚人曰不卒戍也晉侯圍

曹門焉多死曹人尸諸城上

磔晉死人於城上

晉侯患之聽輿

人之謀曰稱舍於墓

輿衆也舍墓為將發冢

師遷焉曹人兇懼

遷至曹人墓兇兇恐懼聲

因其兇也而攻之三月丙午入曹數之

以其不用僖負羈

賢人也

執曹伯分衛之田以畀宋人

楚子入居于申

申在方城內

使子玉去宋曰無從晉師子

玉使宛春告於晉師曰請復衛侯而封曹臣亦釋宋

之圍子犯曰子玉無禮哉君取一臣取二

君取一以釋宋圍惠

晉侯臣取二復衛曹以為功

不可失矣

言可伐

先軫曰子與之定人

之謂禮楚一言而定三國我一言而忘之我則無禮

何以戰乎不許楚言是棄宋也救而棄之謂諸侯何

言將為諸侯所怪

楚有三施我有三怨怨讐言已多將何以戰

不如私許復曹衛以攜之

私許二國使告絕於楚而後復之攜離也

執宛

春以怒楚既戰而後圖之公說乃拘宛春於衛且私

許復曹衛曹衛告絕於楚子玉怒從晉師已巳晉師

陳于莘北

云

楚師敗績晉師三日館穀

館舍也食楚軍穀三日

桓公殺公子糾章

春秋傳齊襄公無道

左傳莊公八年齊侯使連稱管至父戍葵丘

二人皆齊大夫

戍守也葵丘齊地臨淄縣西有地名葵丘

瓜時而往曰及瓜而代期

音基戍

公問不至

問命也

請代弗許故謀作亂僖公之母弟曰

夷仲年生公孫無知有寵於僖公衣服禮秩如適

適太

子襄公絀之二人因之以作亂

二人連稱管至父

十二月遂

弑襄公而立無知初襄公立無常

政令無常

鮑叔牙曰君

使民慢亂將作矣奉公子小白出奔莒

鮑叔牙小白傳小白僖公

庶子亂作管夷吾召忽奉公子糾來奔

管夷吾召忽皆子糾傳也子糾

小白庶兄來不書皆非卿也

九年春雍廩殺無知

雍廩齊大夫

夏公伐

齊納子糾桓公自莒先入秋師及齊師戰于乾時我

師敗績鮑叔帥師來言曰子糾親也請君討之

鮑叔乘勝

而進軍志在生得管仲故託不忍之辭

管召讐也請受而甘心焉

管仲射桓

公故曰讐甘心言

乃殺子糾于生竇

魯地

召忽死之管

欲快意戮殺之

仲請囚鮑叔受之及堂阜而稅

他活反

之

堂阜齊地東莞蒙陰縣西

北有夷吾亭或曰鮑叔解

歸而以告曰管夷吾治於

夷吾縛於此因以為名

高傒

音奚高傒齊卿高敬仲也言管仲治理政事之才多於敬仲

使相可也公從

之

九春秋傳作糾

左傳僖公二十六年齊孝公伐我北鄙公使展喜犒師曰昔周公大公股肱周室夾輔成王成王勞之而賜之盟曰世世子孫無相害也載在盟府載載書也太師職之職主也太公為太師兼主司盟之官桓公是以糾合諸侯而謀其不協彌縫其闕而匡救其災昭舊職也

管仲非仁者與章

後漢書引此文莫字上有人字

應劭字仲遠獻帝時奏議曰昔召忽親死子糾之難

而孔子曰經於溝瀆人莫之知朝氏曰父非錯刻峻
能自隕其命班固亦云不如趙母指括以全其宗

桓公兄也子糾弟也

前漢淮南厲王長高帝少子也文帝即位厲王驕恣
不用漢法出入警蹕稱制自作法令數上書不遜順

文帝重自切責之

重難也

時帝舅薄昭為將軍尊重上

令昭與厲王書諫數之曰昔者周公誅管叔放蔡叔

以安周齊桓殺其弟以反國

韋昭曰子糾兄也弟者諱也

秦始皇殺

兩弟遷其母以安秦

唐之王珪魏徵不死建成之難

唐書魏徵傳入關隱太子引為洗馬

太子建成也洗馬官也

徵

見秦王功高陰勸太子早為計

秦王世民也建成弟封為秦王

太子

敗

世民伏兵於玄武門建成元吉至臨湖殿覺變即跋馬東歸官府世民射建成殺之

王責謂

曰

秦王責魏徵曰

爾閱吾兄弟奈何

閱問也

荅曰太子蚤從徵

言不死今日之禍王器其直無恨意

器重也

即位

太宗即帝

位
拜諫議大夫

王珪傳

珪字玠叔世居鄮僧辯之孫

建成為皇太子授中書舍人

遷中允禮遇良厚太子與秦王有隙

太子閻小人疾秦王功高相

猜忌有隙

帝責珪不能輔導流寓州太子已誅太宗召為

諫議大夫

公叔文子章

諡法亦有所謂錫民爵位曰文

見前孔文子章

子言衛靈公之無道也章

無競維人四方其訓之

詩大雅抑篇

陳成子弑簡公章

事在春秋哀公十四年

齊簡公之在魯也闕止有寵焉

簡公悼公陽生子壬也闕止子我也事在

六年及即位使為政陳成子憚之驟顧諸朝

成子陳恒心不安故

數顧之

諸御鞅言於公

鞅齊大夫

曰陳闕不可並也君其擇

焉

擇用一人

弗聽五月壬申成子殺子我庚辰執公于舒

州甲午陳恒弑其君壬于舒州

壬簡公也

孔丘三日齋

側皆

反而請伐齊三公曰魯為齊弱久矣子之伐之將若
之何對曰陳恒弑其君民之不與者半以魯之衆加
齊之半可克也公曰子告季孫孔子辭辭不告退而告
人曰吾以從大夫之後也故不敢不言

弑君之賊人人得而討之

禮檀弓下臣弑君凡在官者殺無赦子弑父凡在官
者殺無赦殺其人壞其室洿其地而豬焉

蘧伯玉使人於孔子章

莊周稱伯玉行年五十而知四十九年之非

淮南子原道下遽伯玉年五十而知四十九年非

大衛

夫遽瑗今年所行是則顧知去年之所行非也歲歲悔之以至於死故有四十九年非

伯玉行年六十而六十化

莊子則陽篇遽伯玉行年六十而六十化未嘗不始

於是之而卒詘

與屈同

之以非也未知今之所謂是之

非五十九非也

以德報怨何如章

見老子書

道德經恩始章曰小大多少報怨以德圖難於其易
為大於其細

修己以敬章

四靈畢至矣

禮禮運四靈以為畜

許又反

故飲食有由也何謂四靈

麟鳳龜龍謂之四靈

原壤夷俟章

母死而歌

禮檀弓下孔子之故人曰原壤其母死孔子助之沐
樽原壤登木曰久矣予之不託於音也歌曰狸首之
斑然執女手之卷然夫子為弗聞也者而過之從者
曰子未可以已乎夫子曰丘聞之親者無失其為親
也故者無失其為故也

○衛靈公篇

衛靈公問陳章

孔子去衛適陳

史記世家孔子適衛主蘧伯玉家他日靈公問兵陳

於孔子

云云

明日與孔子語見蜚雁仰視之色不在

孔子遂行復如陳是歲魯哀公三年孔子年六十矣

立則見其參於前也章

毋往參焉之參

禮曲禮上

直哉史魚章

死猶以尸諫

家語困誓篇衛蘧伯玉賢而靈公不用彌子瑕不肖
反任之史魚驟諫而不從史魚病將卒命其子曰吾
在衛朝不能進蘧伯玉退彌子瑕是吾為臣不能正
君也生不能正君則死無以成禮我死汝置屍牖下
於我畢矣

禮飯於牖下小斂於戶內
大斂于阼殯於客位也

其子從之靈公

弔焉怪而問焉其子以其父言告公公愕然失容曰是
寡人之過也於是命之殯於客位進蘧伯玉而用之

退彌子瑕而遠之孔子聞之曰古之列諫之者死則已矣未有若史魚死而尸諫忠感其君者也可不謂直乎

孫林父甯殖放弑之謀

左傳襄公十四年衛獻公戒孫文子甯惠子食

勅戒二子

欲共晏食

皆服而朝日旰不召而射鴻於囿二子從之不

釋皮冠而與之言

皮冠田獵之冠也

二子怒孫文子如戚孫

蒯入使公飲之酒使太師歌巧言之卒章蒯懼告文

子文子曰君忌我矣弗先必死并孥於戚而入見蘧
伯玉曰君之暴虐子所知也大懼社稷之傾覆將若
之何對曰君制其國臣敢奸之雖奸之庸知愈乎遂
行從近關出公使子蟜子伯子皮與孫子盟於立宮
孫子皆殺之四月公出奔齊衛人立公孫剽孫林父
甯殖相之

子貢問為仁章

子貢悅不若已者

家語六本篇孔子曰吾死之後則商也日益賜也日損曾子曰何謂也子曰商也好與賢已者處賜也好與不若已者處不知其子視其父不知其人視其友不知其君視其所使不知其地視其草木故曰與善人居如入芝蘭之室久不聞其香即與之化矣與不善人居如入鮑魚之肆久不聞其臭亦與之化矣丹之所藏者赤漆之所藏者黑是以君子必慎其所與處焉

顏淵問為邦章

天開於子地闢於丑人生於寅

皇極經世書天開於子地闢於丑人生於寅蓋以數
推之一元有十二會三百六十運四千三百二十世
十二萬九千六百年歲月日時元會運世皆十二而
三十三十而十二至寅上方生人物是開物堯時會
在巳午之間戌上是閉物到那裏則不復有人矣

吾得夏時焉

禮禮運孔子曰我欲觀夏道是故之杞而不足徵也
吾得夏時焉我欲觀殷道是故之宋而不足徵也吾
得坤乾焉坤乾之義夏時之等吾以是觀之

其書存者有小

正今大戴記
有夏小正篇

木輅也

禮明堂位鸞車有虞氏之路也句車夏后氏之路也

大路殷路也乘路周路也

大路木
路也

周人飾以金玉

周禮春官巾車掌王之五路一日玉路

王在焉曰路

金路

象路革路木路

不鞅以革漆之而已鞅莫干反

周冕有五

周禮春官司服王之吉服祀昊天上帝則服大裘而

冕祀五帝亦如之享先王則衮冕享先公饗射則鷩

冕祀四望山川則毳冕祭社稷五祀則希冕祭羣小

祀則玄冕

六服同冕者首飾尊也大裘羔裘也九章

初一日龍次二曰山次三曰華蟲次四曰

火次五日宗彝皆畫以為黼次六曰藻次七曰粉米

次八曰黼次九曰黻皆希以為繡則衮之衣五章裳

四章凡九章也鷺畫以雉謂華蟲也其衣三章裳四章凡七章也毳畫虎雖謂宗彝也其衣三章裳二章凡五章也希刺粉米無畫也其衣二章裳一章凡三章也玄者衣無文裳刺黻而已是以謂玄馬九冕服皆玄衣

練裳

鄭聲佞人能使人喪其所守

禮樂記魏文侯問於子夏曰吾端冕而聽古樂則惟恐卧聽鄭衛之音則不知倦何也子夏對曰今君之所好者其溺音乎文侯曰敢問溺音何從出也子夏對曰鄭音好濫淫志宋音燕女溺志衛音趨

促音

數

朔音

煩志齊音教

傲同

辟

僻同

喬

驕同

志此四者皆淫於色而害

於德是以祭祀弗用也詩云肅雍和鳴先祖是聽

臧文仲其竊位者與章

孔子以為不仁

詳見公治長臧文仲章

君子義以為質章

敬以直內義以方外

易坤卦文言直其正也方其義也君子敬以直內義

以方外

相師之道也章

瞽必有相

周禮春官大師下大夫二人少師上士四人瞽矇三

百人眡

音示

瞭三百人

凡樂之歌必使瞽矇為焉命其賢智者以為太師少師眡讀為

虎眡之眡

眡瞭掌大師之縣

音玄太師之縣鐘磬之類

凡樂事相

瞭明目也

瞽

相謂扶助瞽矇作樂眡瞭扶之

○季氏篇

季氏將伐顓臾章

左傳史記二子仕季氏不同時

哀公十一年齊國書高無平帥師伐我及清

清齊地
齊北盧

縣東有
清亭

季孫謂其宰冉求曰齊師在清必魯故也若

之何求曰一子守二子從公禦諸竟孟孺子洩帥右

師

孺子孟懿子
之子武伯

顏羽御邴洩為右冉求帥左師管周

父御樊遲為右師及齊師戰於郊師入齊軍

冉求
之師獲

甲首八十齊人不能師宵諫曰齊人遁冉有請從之

季孫弗許

孔子世家定公十三年秋季桓子病輦而見魯城喟然歎曰昔此國幾興矣以吾獲罪於孔子故不興也顧謂其嗣康子曰我即死若必相魯相魯必召仲尼後數日桓子卒康子代立已葬欲召仲尼公之魚曰昔我先君用之不終終為諸侯笑今又用之不能終是再為諸侯笑康子曰則誰召而可曰必召冉求於是使人召冉求冉求將行孔子曰魯人召求非小用之將大用之也是日孔子曰歸乎歸乎吾黨之小子

是時四分魯國

狂簡斐然成章不知所以裁之子貢知孔子思歸送冉求因誡曰即用以孔子為招云冉求既去明年孔子自陳遷於蔡冉有為季氏

餘見子罕篇

左傳昭公五年春正月季孫舍中軍卑公室也

罷中軍季

孫稱左師孟氏稱右師叔孫氏則自以叔孫為軍名

初作中軍三分公室而各

有其一

三家各有一軍家屬

季氏盡征之

無所入於公

叔孫氏臣其

子弟

以父兄歸公

孟氏取其半焉

復以子弟之半歸公

及其舍之也

四分公司季氏擇二

簡擇取二分

二子各一皆盡征之而貢于

公

國人皆屬三家三家隨時獻公而已

四分公司室家臣屢叛

左傳定公五年九月陽虎囚季桓子及公父文伯

文伯季桓子從父昆弟陽虎欲為亂恐二子不從故囚之

而逐仲梁懷十月丁亥

殺公何藐

藐季氏族

己丑盟桓子於稷門之內

魯南城門

庚寅

大誚遂公父歟及秦遄皆奔齊

歟即文伯也傳言季氏之亂

八年

季寤

季桓子之弟

公鉏極

桓子族子

公山不狃

費宰

皆不得志於

季氏叔孫輒無寵於叔孫氏

輒叔孫氏之庶子

叔仲志不得

志於魯

志叔仲帶之孫

故五人因陽虎陽虎欲去三桓以季

寤更季氏以叔孫輒更叔孫氏已更孟氏

虎自代懿子

十

月將享季氏于蒲圃而殺之陽虎前驅林楚御桓子

以適孟氏陽虎劫公與武叔

武叔州仇也

以伐孟氏公斂

處父師成人自上東門入與陽氏戰于南門之內陽

氏敗陽虎說甲如公宮取寶玉大弓以出入於謹陽

關以叛

哀公以越伐魯而去季氏

左傳哀公二十七年公患三桓之侈也欲以諸侯去

之

欲求諸侯師以逐三桓

三桓亦患公之妄也故君臣多間

隙也

公游於陵阪遇孟武伯于孟氏之衢曰請有問於子

余及死乎

問已可得
以壽死否

對曰臣無由知之三問卒辭不

對公欲以越伐魯而去三桓秋八月甲戌公如公孫
有陘氏因孫于邾乃遂如越

天下有道章

諸侯不得變禮樂專征伐

禮王制變禮易樂者為不從不從者君流

流放也

草制

度衣服者為畔畔者君討

討誅也

有功德於民者加地

進律

律法也

諸侯賜弓矢然後征賜鈇鉞然後殺

祿之去公室章

殺子赤立宣公

左傳文公十八年文公二妃敬嬴生宣公敬嬴嬖而

私事襄仲宣公長

上聲

而屬諸襄仲

屬音燭

襄仲欲立之

叔仲不可

叔仲惠伯也

仲見于齊侯而請之齊侯新立而

欲親魯許之冬十月仲殺惡及視

襄仲殺太子惡及其母弟視

而

立宣公

又曰桓子為家臣陽虎所執

見前家臣屢叛下

○陽貨篇

陽貨欲見孔子章

楊雄謂孔子於陽貨也

五伯篇或問聖人有誑乎

誑與屈同

曰有曰焉誑乎曰仲

尼於南子所不欲見也於陽虎所不欲敬也見所不
見敬所不敬不詘如何或曰衛靈公問陳則何以不
詘曰詘身將以信與仲同道也如詘道而信身雖天下
不可為也

公山弗擾以費畔章

弗擾與陽虎共執桓子據邑以叛

左傳定公五年公山不狃為費宰季平子卒陽虎因
季桓子八年季寤公鉏極公山不狃皆不得志於季

氏叔孫輒無寵於叔孫氏因陽虎欲去三桓以季寤
更季氏叔孫輒更叔孫氏已更孟氏十二年仲由
為季氏宰將墮三都叔孫氏墮邱季氏將墮費公山
不狃叔孫輒帥費人襲魯公與三子入季氏之宮登
武子之臺費人攻之弗克入及公側仲尼命申句須
樂頌下伐之費人北國人追之敗諸姑蔑

居吾語女章

禮君子問更端則起而對

曲禮上

鄉原德之賊也章

荀子原懿註讀作愿是也

正論篇上端誠則下原懿矣

上能端莊誠實則下知謹愿而純懿又詳見孟

子下
卷

荀患失之無所不至矣章

吮癰舐痔

莊子雜篇列御寇莊子曰秦王有病召醫破癰潰痊

者

癰壓疽之屬也

得車一乘舐痔者

痔漏下病也

得車五乘所治

愈下得車愈多子豈治其痔耶何得車之多也

前漢佞幸傳文帝嘗病癰鄧通常為上嗽

由角反

吮之

上不樂從容問曰天下誰最愛我者乎通曰宜莫若

太子太子入問疾上使太子齧

士客反

癰

齧齧也出膿血

太

子齧癰而色難之已而聞通常為上齧之太子慙繇

是心恨通

繇與由同

孺悲欲見孔子章

孺悲嘗學士喪禮於孔子

禮雜記下恤由之喪哀公使孺悲之孔子學士喪禮
士喪禮於是乎書

宰我問三年之喪章

四時取火

周禮夏官司燿

古煥反

掌行火之政令四時變國火以

救時疾

行猶用也變猶易也鄒子曰春取榆柳之火夏取棗杏之火夏季取桑柘之火秋取柞櫟

之火冬取槐檀之火

季夏出火民咸從之季秋內火民亦如之

父母之喪既殯食粥

禮間傳父母之喪既殯

音食粥

未殯之前勺水不入于口既殯則三日矣

故可食粥

朝一溢米

二十兩為一溢早膳時用一溢米為粥

莫

音暮

一溢米齊

衰之喪

按家禮成服之日主人及兄弟食粥齊衰衣裳皆用極麤生布旁及下際不緝謂之斬衰

緝則謂之齊衰

疏食水飲

疏食麤糲之飯

不食菜果大功之喪不食

醯醬

可以食菜果矣

小功總麻

五月三月之服

不飲醴酒

可以食醯醬矣

母之喪既虞卒哭疏食水飲

可以食粥矣

不食菜果期而

小祥

期而服練謂之小祥

食菜果又期而大祥

再期而服緇謂之大祥

有

醯醬

始得食醯醬矣

中月而禪

太感反即祥月中而服禪

禪而飲醴酒

醴酒味薄

故得食之

始飲酒者先飲醴酒

未忍享厚味也

始食肉者先

食乾肉

未忍銜新品也

賢者之情無窮也特以聖人為之中制不敢過故必俯

而就之

禮三年問君子三年之喪二十五月而畢若駟之過

隙然而遂之是無窮也故先王為之中制

檀弓子思曰先王之制禮過之者俯而就之不至焉

者跋而及之故君子執親之喪水漿不入口者三日
杖而後能起

○微子篇

微子去之章

微子去之箕子為之奴比干諫而死

史記宗世家微子者殷帝乙之首子而紂之庶兄也
紂既立不明淫亂於政微子數諫紂不聽微子度紂
終不可諫欲死之及去未能自決乃問於太師少師

太師曰今誠得治國國治身死不恨為死終不得治不如去遂亡箕子者紂親戚也紂始為象箸箕子歎曰彼為象箸必為玉桮為玉桮則必思遠方珍怪之物而御之矣輿馬宮室之漸自此始不可振也紂淫佚箕子諫不聽人或曰可以去矣箕子曰為人臣諫不聽而去是彰君之惡而自說於民吾不忍為也乃被髮狺狂而為奴遂隱而鼓琴以自悲故傳之曰箕子操王子比干者亦紂之親戚也見箕子諫不聽而

為奴則曰君有過而不以死爭則百姓何辜乃直言
諫紂紂怒曰吾聞聖人心有七竅信有諸乎乃遂殺
王子比干剖視其心微子曰父子有骨肉而臣主以
義屬故父有過子三諫不聽則隨而號之人臣三諫
不聽則其義可以去矣於是太師少師乃勸微子去
遂行周武王伐紂克殷微子乃持其祭器造於軍門
肉袒面縛左牽羊右持茅膝行而前以告於是武王
乃釋微子復其位如故

齊景公待孔子曰章

孔子去之事見世家

史記孔子世家齊景公復問政於孔子曰政在節財

景公說

悅音

將欲以尼谿田封孔子晏嬰進曰夫儒者

滑稽而不可軌法

滑稽索隱曰滑稽謂亂也稽同也以言辯捷之人言非若是說是若非

能亂同異也言儒者

滑稽而不為法度也

倨傲自順不可以為下

倨不遜也傲慢

也言倨傲自不

可屈下於人也 宗喪遂哀破產厚葬不可以為俗游

說乞貸不可以為國自大賢之息周室既衰禮樂缺

有間

索隱曰息者生也言上古大賢生則有禮樂至周室微而始缺有間也

今孔子盛

容飾繁登降之禮趨詳之節累世不能殫其學當年

不能究其禮君欲用之以移齊俗非所以先細民也

後景公數見孔子不問其禮異日景公止孔子曰奉

子以季氏吾不能以季孟之間待之

孔安國曰魯三卿季氏為正卿

最貴孟氏為下卿不用事言待之以二者之間也

齊大夫欲害孔子孔子聞

之景公曰吾老矣弗能用也孔子遂行反乎魯

齊人饋女樂章

史記定公十四年孔子為魯司寇攝行相事

孔子世家定公以孔子為中都宰一年四方皆則之
由中都宰為司空由司空為大司寇定公十四年孔
子年五十六由大司寇攝行相事有喜色門人曰聞
君子禍至不懼福至不喜孔子曰有是言也不曰樂
其以貴下人乎於是誅魯大夫亂政者少正卯與聞
國政三月粥羔豚者弗飾賈男女行者別於塗塗不
拾遺四方之客至乎邑者不求有司

有司常供其職
客求而有在也

皆予之以歸齊人聞而懼曰孔子為政必霸霸則吾地近焉我之為先并矣盍致地焉犁鉏曰請先嘗沮之沮之而不可則致地庸遲乎於是選齊國中女子好者八十人皆衣文衣而舞康樂文馬三十駟遺魯君陳女樂文馬於魯城南高門外李桓子微服往觀再三將受乃語魯君為周道游觀終日怠於政事子路曰夫子可以行矣

見幾而作不俟終日

易繫辭下

子路從而後遇丈人以杖荷蓀章

五穀不分猶言不辨菽麥爾

左傳成公十八年晉欒書中行偃使程滑弑厲公葬之於翼東門之外以車一乘使荀瑩士魴逆周子于

京師而立之

悼公周也

生十四年矣遂不臣者七人周子

有兄無慧不能辨菽麥故不可立

菽大豆也豆麥殊形易別故以為癡

者之候不慧蓋

世所謂白癡

逸民章

少連稱其善居喪

禮雜記下孔子曰少連大連善居喪三日不怠三月不解期悲哀三年憂東夷之子也

仲雍居吳斷髮文身

見泰伯下

太師摯適齊章

亞飯以下以樂侑食之官

周禮春官大司樂王大食三宥

音又

皆令奏鐘鼓

大食朔月

月半以樂侑食
時也宥猶勸也

襄即孔子所從學琴者

史記孔子世家孔子學鼓琴師襄子十日不進師襄
子曰可以益矣孔子曰丘已習其曲矣未得其數也
有間曰已習其數可以益矣孔子曰丘未得其志也
有間曰已習其志可以益矣孔子曰丘未得其為人
也有間曰有所穆然深思焉有所怡然高望而遠志
焉曰丘得其為人黯然而黑貌黯黑幾然而長詩云頎而長兮

眼如望羊

望羊視也

心如王四國非文王其誰能為此也

師襄子辟席再拜曰師蓋云文王操也

○子張篇

君子有三變章

如良玉溫潤而栗然

禮聘義昔者君子比德於玉焉溫潤而澤仁也

色柔溫潤

似仁也

縝

音軫

密以栗知也

縝緻也栗堅也

夫子之得邦家者章

於變時雍

書堯典

○堯曰篇

堯曰咨爾舜章

虞書大禹謨比此加詳

天之歷數在汝躬汝終陟元后人心惟危道心惟微
惟精惟一允執厥中無稽之言勿聽勿詢之謀勿庸
可愛非君可畏非民衆非元后何戴后非衆罔與守

邦欽哉慎乃有位敬修其可願四海困窮天祿永終
惟口出好興戎朕言不再

此引商書湯誥之辭

王曰嗟爾萬邦有衆明聽予一人誥惟皇上帝降衷
于下民若有恒性克綏厥猷惟后夏王滅德作威以
敷虐於爾萬方百姓爾萬方百姓罹其凶害弗忍荼
毒並告無辜於上下神祇天道福善禍淫降災于夏
以彰厥罪肆台小子將天命明威不敢赦敢用玄牡

敢昭告於上天神后請罪有夏聿求元聖與之戮力
以與爾有衆請命上天孚佑下民罪人黜伏天命弗
僭賁若草木兆民允殖俾予一人輯寧爾邦家茲朕
未知獲戾于上下慄慄危懼若將隕於深淵凡我造
邦無從匪彝無卽愾淫各守爾典以承天休爾有善
朕弗敢赦罪當朕躬不敢自赦惟簡在上帝之心其
爾萬方有罪在予一人予一人有罪無以爾萬方鳴
呼尚克時忱乃亦有終

夏尚黑

禮檀弓上夏后氏尚黑大事歛用昏

大事謂喪事

戎事乘

驪

戎兵也馬黑色曰驪

牲用玄殷人尚白大事歛用日中戎事

乘翰

翰色白馬也

牲用白周人尚赤大事歛用日出戎事

乘駟牲用騂

武王克商大賚于四海

周書武成

賚所以錫予善人

詩周頌賚大封於廟也賚予也言所以錫予善人也
興滅國繼絕世舉逸民章

謂封黃帝堯舜夏商之後謂釋箕子之囚復商容之位
史記武王克殷反商未及下車而封黃帝之後於薊
封帝堯之後於祝封帝舜之後於陳下車而封夏后
氏之後於杞投殷之後於宋封王子比干之墓釋箕
子之囚使之行商容而復其位庶民弛政庶士倍祿
濟河而西馬散之華山之陽而弗復乘牛散之桃林

之野而弗復服車甲衅而藏之府庫而弗復用倒載
干戈包之以虎皮將帥之士使為諸侯名之曰建櫜
然後天下知武王之不復用兵也

出納之吝謂之有司章

項羽使人有功當封刻印刳忍弗能予

通鑑漢高祖元年韓信問漢王曰今爭權天下豈非
項王邪王曰然曰大王自料勇悍仁彊孰與項王漢
王良久曰不如也信曰信亦以為大王不如也然臣

當事之請言其為人項王喑

於金反

噁

烏故反

叱

昌力反

咤

竹駕反漢書作意烏猝嗟

千人皆廢然不能任其賢將此特匹夫

之勇耳項王見人恭敬慈愛言語嘔嘔

凶于反悅言也漢書作姁

音同

人有疾病泣涕分飲食至使人有功當封爵者刻

印刳


五官反說缺

忍不能予此所謂婦人之仁也項王雖

霸天下而臣諸侯不都關中而都彭城遷逐義帝所過無不殘滅名雖霸實失天下心故其彊易弱今大王誠能反其道任天下武勇何所不誅以天下城邑

封功臣何所不服以義兵從思東歸之士何所不散
且三秦王為秦將將秦子弟數歲矣欺其衆降諸侯
至新安項王詐坑秦降卒二十餘萬惟獨邯欣翳得
脫秦父兄怨此三人痛入骨髓今楚強以威王此三
人秦民莫愛也大王入武關秋毫無所害除秦苛法
秦民無不欲大王王秦者今大王舉而東三秦可
傳檄而定也

論語集註通證卷下



總校官庶吉士臣張能照

校對官檢討臣龔大萬

謄錄監生臣張大本